

Kòritò

ǒ Kànìsà tò Pòlò andí ɔyɔ rí kisé nǐ bhàruwà

Yàrí bhàruwà ò ì nòtù ádròdrǒ dhu tí dhu

Yàrí bhàruwà nandí ní Pòlò, Yěsù Krístò bhà uvitatále. Kándí ka imbò kumì atɔ mà azà kumì atɔ mànà nzínzì ǒ Yěsù ka kúgù dhu-dzidǒ. Timòtewu tí ka kátina kà t'òdhìnà ì'ì kòmbíta tí árà Kòritò tó kigò ǒ pbàkrístò àndà ró (1.1).

Pòlò andí ndi bhàruwà Màkèdòniyà tó pbìrì ò ndi ndí'ì rórò.

Kándí ka Kòritò tó kigò ǒ Kànìsà tò. Ndi Kòritò nǐ'ì Àkayà tó pbìrì ǒ ádrùngbǎ kigò. Kòmbí ka kárí ndi pbìrì ànzi Pbagìríkí tó pbìrì tí. Pòlò rǐ ndi bhàruwà àndí òná kàsùmì ǒ, tǐtò tó màlímó ní'ì vurò dhu ùdhě ì ì pbàkrístò tò yà Pòlò udhé abádhí tò dhu rǒrò ró (11.3-4). Ní, ábhǒ pbàkrístò ní'ì iwà kǒkǒ tǐtò tó màlímó rǐdhěna dhu nátdù afíya ró, 'àdù yà Pòlò rǐdhěna fíyò dhu násà àsa tí. Ní Pòlò adù abádhí-nyìkpó nítduyù ì tǐtò tó màlímó rǐ rò.

Bhàruwà-nyìtì ka kóhù tí dhu

- Pòlò rǒte fíyó ìrìta dǒ Kòritò tó kigò ǒ Kànìsà mànà dhu. Kà rǐ Yěsù Krístò bhà uvitatále rǐ'ì nà kasu tó ádrùngbǎnga ise. Kà rǐ yà atdíǒ ndi ndórù òná bhàruwà nà ndi ndávi Titò ràrà okúna dò rò dhu-tì àwě. Ndirò, kà rǐ atdíǒ idhěna ìka ndi yà pbàkrístò úgèrè fíyò ìrèta mběyi tina òná rò dhu òvò (1-7).
- Pòlò rǐ dhu òvò yà Yèrùsàlemà tó kigò ǒ Kànìsà tò ka kí dhu àtsà tí dhu dǒ dhu (8-9).
- Pòlò rǐ ndùgye pbìndà uvitatále tó kasu tó ádrùngbǎnga dǒ dhu. Kà rǐtina Yěsù Krístò bhà obhóná uvitatále ràkǎ ndòzù ndi ndí'ì ákě ale tí.

Kàkă ndà'ù kòzù ndi iviví ale tí, Kàgàwà rǎdù obi àbhu fíndà dhu-okú dò rò. Kàkă nzá ndònzì atdí dhu mà fíndà ndítírò (10–13).

Πολò rǎ Kòritò tó kíǵò ǒ Kànìsà nóvì dhu

(Gàl 1.1-5; Kòl 1.1-8)

¹ Yàrí bhàruwà nàndí fùkù ní ima Πολò, yà Kàgàwà ánzi rǎ Yèsù Krístò bhà uvitatále tí, ndi ndòzè ka dhu bhèyi ale. Mǎ mí'ì atdíkpá àlě t'ádòná Tìmòtewù màná. Ní ma màndí ka fùkù Kòritò tó kíǵò ǒ rǎ'ì Kàgàwà bhà kànìsà tírò, ndirò fùkú pbirì Àkayà ǒ rǎ'ì Kàgàwà bhà kóró ngǔkpá ale tò. ² Àlě t'Ábanà Kàgàwà mà, àlě tó Ádrùngbǎle Yèsù Krístò màná náká 'àso nyǎ, 'àdù nyǎbhu nyòkò màrùngà ǒ.

Kàgàwà arí pbìndà ale-afí òpè fíyó àpbè ǒ dhu

³ Ilèta àká kabhu Kàgàwà, àlě tó Ádrùngbǎle Yèsù Krístò t'Ábanà tò. Ka ní ndi àlě t'Ábanà yà izu tó ale-afí nà arǎ'ì ndirò kóró dhu-tsí ǒ arí ale-afí òpè ale! ⁴ Kǎrí àlě-afí òpè àlě tó kóró àpbè-tidò ǒ, ndíní àlě kowu tí kóró àpbè-tidò ǒ rǎ'ì ale-afí òpè rǒ, yà Kàgàwà ópè àlě-afí nǎ ale-afí t'ópèta-tidò nǎ. ⁵ Obhó tí, àdhàdhì àlě kí Krístò abà ábhǒ àpbè-tidò àbà dhu bhèyi tí, Krístò rǎ àlě-afí òpè átò abhò. ⁶ Dhu apé ì'ì mǎ mí àpbè àbà mǎ mǒnzina kasu ǒ dhu tí, ní mǎ mí kàbà ndíní ndi dhu-otù ǒ Kàgàwà opé tí afíkù, ndàdù nyǎgu. Kǎpé afíka nyú nópè, ní ndi dhu rǎ afíkù òpè átò, nyàdù obi àbà rònzì dzùnakù, nyòndù mǎ mábà àpbè-tidò-dzi. ⁷ Ndirò, mǎ mí'ì a'uta nà atdíǵ nyukutsi. Obhó tí, mǎ m̀ni wà dhu àdhàdhì nyǎ nyùngbò nyǎ atdíkpá mǎ màná fàká àpbè ǒ dhu bhèyi, nyǎ rùngbò wà nyǎ átò mǎ màná Krístò ópè afíka dhu-nyutsi.

⁸ Àbanǎnzó, mã mòzè nzá nyǎdzo Àziyà tó pbìrì ǒ mã mabà àpbè rǒrò. Ndi àpbè-òbì asè dòkanǎ atdíđ. Mã ma'ù nzá dhu òko mã rǎròko nyìkpóka nà. ⁹ Obhó tí, mã mambénà ìnga ìrè dǒ, ka ròtdì wà anya dóká ndínǎ ka kokyε tí mã'i. Ndi dhu anzì ndì ndì dhu bhěyi, ìnzǎ mã mìli tí nyìkpóka òbìka rǒ tí, pbétù ndínǎ mã mìli tí nyìkpóka yà ùvǔvè ale ùngbě arí òve-bvù rò Kàgàwà-rǒ tí. ¹⁰ Àbadhi, yà mã nukolo müvò wòrí òve-tidò ǒ rò ale, rǐ mǔkòlǒ ùkòlǒ tdítđ kà-ǒ rò. Obhó tí, mã mà'ù wà dhu atdíđ, kà rukoloya mã ùkòlǒ. ¹¹ Nyǎ mà átò, nyǎ nyí dzùnàka ònzi dóká nyǎ nyí nyítsò rò. Ní, ábhò ale tó itsòta-bvù rǒ, Kàgàwà rǐ ídzìnga àbhǔ mãbà. Ndi dhu bhěyi ní ndì, ábhǒ ale rǎdù òtsò nádu Kàgàwà ònzì ròká dhu-okú dò rò.

Pòlò rǐ ndùgye fíyó kasu dǒ ndì nà rí 'àgò ale-ònzǎ dhu

¹² Idhèka ìka ndì okúna dò rò dhu ní yàrí: mã mùni dhu afika ò mã rókò yà adzi ǒ, ndirò ròsè dòtsí, mã rókò nzínziku ǒ obhóna tó afika nà, ndirò ìlǎ mã mìlǎ Kàgàwà-nyìkpó ǒ rórò. Mã'i núnà ní nzǎ yà adzi ǒ ale tó dhu-ònga t'òvòta tó irèta, pbétù mã'i núnà ní Kàgàwà bhà ídzìnga. ¹³ Obhó tí, fàká bhàruwà ǒ mã màndí nzá vurò dhu fǔkù, pbétù mã màndí dhu ní yà nyǎ nyádù òzùnà rǎdù dǔku àlu dhu kèlě. Ndirò, ma mà'ù wà dhu ndì dhu rǎrǐ dǔku àlǔ àlǔ àkákǎ dhu bhěyi, ¹⁴ ìmbǎ dhu rǐrǐ kà rǐ dǔku àlǔ gòna kèlě tí kòmbí dhu màtí. Yàrí ní ndì wò ma mòtè dòná dhu: àlě tó Ádrùngbǎle Yèsù ríngo òná idho ǒ, idhèku níikaya ndì okúka dò rò àdhàdhì idhèka níikaya ndì okúku dò rò dhu bhěyi.

¹⁵ Ndi a'uta-bvù rǒ, ma mazè marà bvùkù wemberè tí, ndínǎ nyǎ nyabá tí ídzìnga nyǎla ngbòdu òyo-gùna.

¹⁶ Obhó tí, ma múdhe dhu, mudà fǔrǎbvùnǎ Mǎkèdòniyà

tó pbìrì ò ma mára rò, ndi dhu-dzidǒ, madù madu Màkèdòniyà rò, mirà àhu fǔrǎbvù tdítǒ. Ndi dhu bhëyi ní ndi, nyí nyónzìyana dzùnàdu fukú dhu-tsí nǐ, Yùdeyà tó pbìrì ò ma mára nǐ pbàkà abhi ǒ. ¹⁷ Ní, wò dhu bhëyi ma mùdhě dhu ma rǎrǎ dhu ònzi rò, ma móngò tí nzá ìmbǎ tǐna nà dhu ònzi rí alɛ tí? Ndirò ngǎtsi nǐ, ma mí ma mǒnzina atdí dhu ùdhě rò, ma matí kònzì yà adzi ǒ alɛ arí dhu ònzi dhu bhëyi, mati atdí nyìnǎ tí: «Obhó» ndirò «ìnzǐ» atdí dhu dǒ tí? ¹⁸ Kàgàwà ní yà ma múncna dhu tó ngàmbì: yà fǔkù mǎ múnc dhu ní'ì nǐ atdí nyìnǎ tí mǎ mátina: «Obhó» ndirò «ìnzǐ». ¹⁹ Obhó tí, Kàgàwà t'Ídhùnà, Yèsù Krístò, yà ìma Pòlò, Sìlìvanù*, Tìmòtewù mànà mǎ mǒvò fìndá dhu fǔkù, ní'ì nǐ pbìndà ìrèta ùwǔ arí alɛ, ndàti atdí nyìnǎ tí: «Obhó» ndirò «ìnzǐ». Pbétù, kà-nyùtsì rí'ì dhu ní «Obhó» dhu kèlě. ²⁰ Obhó tí, ka ní ndi yà nyùnatsi Kàgàwà atí «Obhó», yà ndi ndakò fìndá làkà kóró dhu tò. Ndi dhu bhëyi tí átò, Yèsù Krístò-otù ǒ nga ní ndi àlě kátina «Àmìnà», àlě rilè Kàgàwà nǐ. ²¹ Kàgàwà nyú nditírò ní ndi mǎbhǔ rí mǎ ròtsi òbi atdíkpá nyí mànà Krístò mànà àlě kúngbò àlě dhu-nyùtsì, ndirò ka ní ndi nditírò àlě nùtri pbìndà kasu tò. ²² Kǐlì pbìndà alɛ tí rí àlě ìtè ize àlě rǒ, ndàdù pbìndà ìlǐlǎ-Alafí ìlì àlě-afí ò, rì'ì àlě tò ndi ndulì kóró dhu tó tsènzèrù tí.

²³ Kàgàwà ní yà ma múncna dhu tó ngàmbì. Ma mà'ù wà mǒvè, títò tí ma múncna dhu apé ì'ì rò. Ma mùdhě dhu ìnzǐ madu ma tdítǒ Kòritò tó kigò ò, akye ma mabhùnà izu afíku ò òtǎdu ǒ nǐ. ²⁴ Mǎ mòzè nzá akèkpá matí mùtu nyí ùtù tí fùkú a'uta nàndà dhu nǐ. Mǎ mùni

* ^{1:19} ^{1:19} sìlìvanù ní yà Sìlà tí ka kátina Uvitatálɛ-kàsǔ tó bhǔkù ò alɛ (Kas 15.22-40; 16.19-29).

wà dhu nyí ríkò wà pòtsó fùkú a'uta ǒ. Pbétù, àlě kí kasu ònzì atdíkpá nyí mànà, ndíní idhèku adù tí ndìka.

2

¹ Nírò, ma múdhě dhu ìnzí madu ma tdítđǒ bvùkù, akye ma mabhùna izu rùka nyí tdítđǒ nǐ. ² Obhó tí, ma mapé nyàbhù izu rùka nyí, ní ádhi ndi idhèdu àbhu rádù rìka ndi tdítđǒ? Tí nzí yà ma mábhu izu rùka ale kèlě? ³ Ndi dhu-okú dò rò ní ndi ma mándí dhu fùkù wò ma mónzì ka dhu bhěyi: bvùkù ma mára àhu rò, ma mózè nzá yà idhèdu àbhù àmbènà rìka ndi ale rí izu àbhù rùka ma dhu. Obhó tí, ma muni wà dhu, idhèdu ìka ndi rò, nyí kóró idhèku ràràdù ndìka átò. ⁴ Ma mándí dhu fùkù atdíđǒ ma míí izu nà ndirò atdíđǒ afidu rí inga irè rórò. Ma mándí ka ábhǒ nyídu-dha nyú nà, ìnzí ní izu nabhù tí fùkù, pbétù ndíní nyí nyuni tí ma mózè nyí atdíđǒ tí dhu.

Dhu àkǎ ku bà dhu Pòlò nǐ dhu nàfà ale tò dhu
(Luk 17.3; 2Kò 7.5-16)

⁵ Atdí ale apé ìí ìndrù nábhu izu rùka dhu tí, ní kàbhu nzá ka rùka ìma kèlě, pbétù ròsè dùdunà, kàbhu izu rùka nyí mbèmbè kóró. Pbétù, dhu àkǎ nzá kizì ndi dhu ìzi tí. ⁶ Ndi dhu bhěyi dhu nónzì ale tò, nzínziku ǒ ábhǒ ale ábhu màlipò dhu nákǎ wà. ⁷ Nírò kòmbí, dhu òfò nga nyùbà dhu kà tò, nyàdù kà-afí àbhu ròtsi òbi, akye ádrùngbà izu ukana ka afína rádù ndòbè nǐ. ⁸ Ní ndi dhu-okú dò rò, ma mìtdè nyí ìtdè tí nyítè fùkù àzè tò obhónánga ndi ale tò. ⁹ Obhó tí, ma mándí ngàtsi bhàruwà fùkù okúna dò rò dhu ní, ma mózè mudhe nyí, ndíní ma muni tí dhu, nyí ràtíí ìnè nyírì tsùdú dhu kóró dhu ǒ. ¹⁰ Nyí nyùbà dhu fíndà ale tò, ma mádù dhu ùbà átò. Obhó tí, ma múbà wà dhu ndi ale tò, yà ní ndi ale

tò ma múbanà dhu ì'ì nǎ. Ndi dhu ma mónzì okúku dò rò Krístò-ònzì. ¹¹ Ndi dhu bhëyi ní ndi, pfòmvo Sitanì rǎ nzǎ àdù àlě lèmà ònzì ndì ndí òná otu nábà. Obhó tí, àlě kàdzo nzá kàbhà nzéε irèta rǒ rò.

Polò rǎ Titò rǎrà nà Kòritò rò màkǔrù òdo izu nyú nà Tròwà rò dhu

¹² Ma mívà ma marà Tròwà tó kigò ò Yèsù Krístò bhà Ídzì Màkǔrù ma muno tí. Ní ányì ma màrà àhu rò, ma mótù dhu ní Ádrùngbǎle Yèsù róbhòlò wà otu idù ka ma muno tí. ¹³ Ìnè màtí kà rǎ'ì ndi dhu bhëyi rórò, afidu írè nga atdíð ìnzá ma mótù adòdu Titò ányì dhu-okú dò rò. Ní ma mádu ndi kigò ò ale òvì, madù àrà Màkèdòniyà tó pbìrì ò.

¹⁴ Kàgàwà àkǎ kabhu òtsò fǐndà! Krístò-otù ò, kǎrúbhi mà mànà ndi Krístò ònzì dhu lèmà nǎ gǎràsìsì tó òbé ò. Kǎrí kasu ònzì nyukatsì, ndàbhù Krístò kuni kóró ngari ònǎ àdhàdhì kóró ngari ònǎ dzina òtò ndì ndrùù róngu akye bhëyi. ¹⁵ Obhó tí, mà mí'ì àdhàdhì Kàgàwà tò Krístò àbhù ndrùù dzina róngu akye bhëyi. Ndi akye-dzi rǎrà òtsi yà Kàgàwà òzè ndìgǔ ale-òndì ò, ndìrò ùwí rúwí ìtse Kàgàwà rǒ rò ale-òndì ò átò. ¹⁶ Ùwí rúwí ale tò, ka ní òve-dzi, yà òve ìbhò rádù ìndrù tò. Ndirò yà Kàgàwà òzè ndìgǔ ale tò, ka ní ìpìrǒnga-dzi, yà ìpìrǒnga ìbhò rádù ìndrù tò. Ní, ádhi pbá ale ndi òbi nà rǎ'ì ndònzì wò dhu bhëyi kasu-tidò rǎkǎ? ¹⁷ Nìrò, mà mí'ì mbá àdhàdhì ábhò ngǔkpà ale, yà Kàgàwà bhà òte ùno arí ndí'ì ì onzí tí otùna ò bhëyi. Pbétù Kàgàwà ìvì ndi mà dhu-okú dò rò, mà marí obhó dhu ùno Kàgàwà-ònzì Krístò-nyutsì.

3

Polò mà ní Ungbòta-òwúta tó kasutále dhu
(1Kò 9.1-3; 2Kò 5.18-21)

¹ Wò dhu bhěyi ma màndí dhu àti tí iwà mǎ'i ròpè mǎmbe mǐtè dǒ mǎ-tírò? Atdídhená màlímó arí 'itè rí bhàrwà-atdyú òho 'itè fúkù, ndirò ngǎtsi nǐ, 'ònzì ndi bhàrwà fukú. Ní, mǎ'i tí i bhàrwà-atdyú òho átò? ² Nyí nyú kèlè ní ndi fáká bhàrwà, yà Krístò ándí afíka ò. Ndi bhàrwà rǐ'ì inè kóró ale rùnì 'àdù òzùnà. ³ Dhu àla ndi kpangba Krístò rándí ndi ndi bhàrwà, ndirò kà ríbhò ka fóká mǒwù nà. Ndi bhàrwà kǎndí nzá wìnò nǐ, pbétù kǎndí ka yà Ípìrǒrò arí'ì Kàgàwà bhà ìlǐlǎ-Alafí nǐ. Ndi bhàrwà kǎndí nzá odu-afǎ-nzo dǒ, pbétù kǎndí ka afíku ò.

⁴ Wòrí ní ndi Krístò-otù ǒ mǎ mǐ'ì nà Kàgàwà-ònzǐ a'uta. ⁵ Mǎ mùnì wà dhu mběyi nyú, mǎ'i rākǎ nzá mǎ-tírò mǒnzì wò kasu ɔbìka nyú nǐ. Kàgàwà ní ndi ɔbì ìbho arí fáká mǒnzì ka nǐ. ⁶ Ka ní ndi ɔbì níbhò fáká mǐ'ì pbìndà kasutále tí, ndíní mǎ múnò tí ndi ndónzì ungbòta-ɔwútá tó màkǔrù ìndrù tò. Ndi ungbòta-ɔwútá rǐ'ì mbǎ àdhàdhì yà angyi Músà andí Ʋyátá bhěyi, pbétù kídè dóná ní Kàgàwà bhà ìlǐlǎ-Alafí rǒnzina kasu. Yà angyi Músà andí Ʋyátá arí ìndrù ùnda ɔve ò, pbétù Kàgàwà bhà ìlǐlǎ-Alafí arí obhóná ípìrǒnga ìbho ìndrù tò.

⁷ Músà andí wò ndi ìndrù àbhǔ rí ròvè Ʋyátá odu-afǎ-nzo dǒ. Ndirò, ndi dhu ònzì kà rǐ rò, Kàgàwà adù pbìndà ádrùngbǎnga tó awáwù àbhù ràmbe ùmbìlì dǒ. Ndi kàbhà ádrùngbǎnga tó awáwù abhù Músà-nyì ràmbe ùmbìlì dǒ átò. Ní atdíđǒ kà rǔmbìlì nídhunǐ, Pbàìsráyélí nóowúnà nzǐ 'òmvù rǒ 'àndà Músà-nyì-kpa tùm̀bà tí. Pbétù, ndi ùmbìlita nǐ'ì nzǐ ní ádzí kàsùmì mà tí rádù àdì. Ní dhu rǐ'ì wò dhu bhěyi ìndrù ùnda rí ɔve ò Ʋyátá níitè wà Kàgàwà bhà ádrùngbǎnga tó awáwù ìndrù tò dhu tí, ⁸ ní Kàgàwà bhà ádrùngbǎnga tó awáwù rádù nditè ìngbà dhu bvù tí ròsè àlě tò kàbhà ìlǐlǎ-Alafí nyú

rĩ kasu ònzi rò? ⁹ Ma mátina tdítđ, yà ìndrũ-dǒ rí anya àbhũ Kàgàwà ròtdĩ ɔve tò Ƴyátá kàsũ ònzi ka kí dhu níí'ì ádrũngbǎnga tó awáwù nà. Ní Kàgàwà àbhũ rí ròzè ìndrũ obhónángatále tí ɔnzíná ungbòta-ɔwútá tí nzĩ àdù Kàgàwà bhà ádrũngbǎnga tó awáwù ìtè àlě tò abho nyú ròsè? ¹⁰ Àlě kí'ì ìnè àlě ràti, yà Kàgàwà bhà ádrũngbǎnga tó awáwù nítè ongónà ìndrũ tò Músà bhà Ƴyátá rarí nzĩ kítè kòmbí, yà atdíđ p̀b̀ìndà ádrũngbǎnga tó awáwù nòsè ungbòta-ɔwútá nítò ndi dhu-okú dò rò. ¹¹ Dhu apé ì'ì yà ídǒ kàsũmì kèlě tí adì tí Kàgàwà ibho ungbòta-ayí níí'ì ádrũngbǎnga tó awáwù nà dhu tí, ní yà dhòdhódhóngà nà rádi ungbòta-ɔwútá tó ádrũngbǎnga tó awáwù níí'ìya abho nyú ròsè. ¹² Ní wò dhu bhěyi àlě kí dhu òdò àlě ràbà rò, àlě kí'ì mbǎ ɔdò nà ìndrũ tò àlě kí dhu ɔvo k pangba rò. ¹³ Àlě kí nzĩ dhu ònzi àdhàdhì Músà aránà dhu ònzi rǒ dhu bhěyi. Kǎránà nyìna àtsi rǒ bě̀r̀è̀sè nĩ, ìnzĩ P̀b̀à̀s̀r̀à̀ỳé̀lì nabhũ tí rala yà ídǒ kàsũmì kèlě tí rádi ádrũngbǎnga tó awáwù rĩku nyìna-ndri rǒ rò tí dhu. ¹⁴ P̀b̀à̀s̀r̀à̀ỳé̀lì tó irèta níí'ì itũ dhu t'únita tò. Obhó tí, rìrà àhũ indo mǎtí, ndi dhu rĩ'ì ndi bhěyi tí abádhí tò. Abádhí apé Ungbòta-Ayí tó bhũkù ɔzè, ní abádhí-dɔ arí nzĩ ì ɔzè dhu àlě, àdhàdhì Músà atsi nyìna nĩ bě̀r̀è̀sè nĩ ì àtsi f̄yó irèta dhu bhěyi. Ndi bě̀r̀è̀sè arí àhũ ale tó irèta ò rò Yèsù Krístò nà ka kũngbò ale rò tí. ¹⁵ Obhó tí, rìrà àhũ indo nga ò mǎtí, Músà andi bhũkù ɔzè abádhí rĩ rò, abádhí rĩ'ì àdhàdhì bě̀r̀è̀sè nĩ f̄yó irèta nàtsi ale bhěyi. ¹⁶ P̀b̀é̀t̀ù, ndi ale apé ndũgèrè Ádrũngbǎle tò, ní ndi bě̀r̀è̀sè arí àhũ tí àhũ. ¹⁷ Ádrũngbǎle tí kátina iró ní ìl̄l̄l̄-Àlafí. ìl̄l̄l̄-Àlafí rĩ'ì nyũyatsi ale rĩ'ì mbǎ Músà bhà Ƴyátá-tsìnǎ. ¹⁸ Àlě'ì kóró, àlě kùtsi nzá àlě-nyì bě̀r̀è̀sè nĩ. Ní àlě-nyì rũmbili, ndàmbe Ádrũngbǎle Yèsù bhà

ádrùngbǎnga tó awáwù ìtè dǒ àdhàdhì kiyó arí awáwù ìtè dhu bhěyi. Ndi Ádrùngbǎle ní ìlǎlǎ-Alafí. Ní kà rǎmbe àlě ùwù dǒ, ndàbhù àlě rùli àlě ndì bhěyi, ndíńí pbindà ádrùngbǎnga tó awáwù ambè tí ndìtè dǒ dònáràdǒ àlě-nyutsì.

4

Kàgàwà bhà ádrùngbǎnga tó awáwù
náarí ndìtè kàbhà kasutále tó ivívinga ǒ dhu

(2Kò 2.14-17; 1Tè 2.1-6)

¹ Pbindà ábhò ídzìnga-okú dò rò, Kàgàwà íbhò wò Ungbòta-ǒwutá tó màkùrù òvò mǎ mí ìndrù tò dhu tó kasu fóká. Ní afika rǎ nǎ ndìngyě ndì kasu t'ónzita rǒ rò. ² Mǎ màsà wà òdhù ò ka kónzina ale-nyè rǎwù nǎ dhu. Mǎ mí'ì mbǎ utrátá tó mùtso nà, ndírò mǎ mùgèrě nzá Kàgàwà bhà ǒte-ngbò. Pbétù, mǎ mí obhó dhu òvò kpangba ìndrù tò. Ní ndì dhu bhěyi, mǎ mòzè kóró ale rùnì dhu mǎ rǎrǎ obhóngatále Kàgàwà-ònzǎ. ³ Pbétù, dhu apé ì'ì ngǔkpà ale arátina, yà mǎ múnona ídzi Màkùrù-dǒnga rófù ndì ìnzǎ rǎmbe dòya àlù dǒ dhu tí, ní kǒfù ndì fǎyò ale ní uwítá tó otu nǎngu Kàgàwà rǒ rò ale kèlě. ⁴ I ale ná'ù nzá ídzi Màkùrù, Pfoṃvò, yà adzi ǒ mǎngǎ, nùtsì fǎyó irèta dhu-okú dò rò. Kiti abádhí-nyínga ìnzǎ ala tí dòyá nga àtdyi rí ídzi Màkùrù rǎbhona Krístò bhà ádrùngbǎnga tó awáwù. Ndi Krístò ní ndì Kàgàwà-wòyǒ nyú. ⁵ Ídzi Màkùrù òvò mǎ mí rò, mǎ marí nǎ ǒte dòkà mǎ-tírò, pbétù mǎ marí ǒte dóná ní Ádrùngbǎle Yèsù Krístò. Mǎ'í na, mǎ'í ní fùkú ìno Yèsù Krístò-okú dò rò. ⁶ Yà adzi òbhòlo ndì ndí rò, Kàgàwà náavò dhu ndàti: «Awáwù àkǎ ndàtdyi nga ìno ǒ*.» Ní, àbadhi ní ndì afika ò nga natdyi, ndàdù mǎbhù

* 4:6 4.6 ǒpt 1.3

mǎni yà Krístò-nyì rǒ rǔmbili pbìndà ádrùngbǎnga tó awáwù.

⁷ Pbétù mǎ'i, yà ndi awáwù tó ongyéngá nà mǎ mǐi nyukatsi rò, mǎ'i ní ivívi aɛ àdhàdhì yà anzi nǐ ka kóbhòlò wìtù bhěyi. Kàgàwà ónzì dhu ndi dhu bhěyi, ndínǐ ìndrù ala tí dhu ádrùngbǎnga tó obi yà kóró obi dònǎ ósè rírà pbìndà rò, ìnzǐ ní bvùkà rò. ⁸ Ìndrù áva tsika kóró ngari ònǎ rò, pbétù abádhí ónzì nzá lèmakà. Abádhí arí afíka àbhù ràmbe òri dǒ akye, pbétù ìnzǐ afíka ràdù ndìngye. ⁹ Ìndrù arávu ròkà, pbétù ìnzǐ Kàgàwà ràdù mǔbhà. Abádhí arí òkángà òvì obvò, pbétù ìnzǐ mǎdù ùve. ¹⁰ Kóró kàsùmì ǒ, ka kárí mǒne ka kokyé tí mǎ àdhàdhì ka kanè Yèsù ndínǐ ka koho tí dhu bhěyi, ndínǐ Yèsù bhà ípirǒnga ala tí ndi átò nyukatsi. ¹¹ Obhó tí, fáká ípirǒnga ǒ kóró, mǎ maríi ove tó àpbè ǒ Yèsù-okú dò rò, ndínǐ kàbhà ípirǒnga itè tí ndi átò ngbǒka ǒ. ¹² Ní ndi dhu bhěyi tí, mǎ marí mǒtù òve-ònzǐ kàsùka ǒ, pbétù ndi dhu ràdù nyàbhu nyàbà dhòdhóhóngà tó ípirǒnga.

¹³ Kàgàwà bhà Bhùkù ǒ ka kándí dhu kati: «Ma má'ù wà Kàgàwà, ní ndi dhu-okú dò rò ní ndi ma mótè*.» Ní, wò Kàgàwà ná'ù aɛ bhěyi tí, mǎ mà átò, mǎ má'ù wà Kàgàwà. Ndi dhu-okú dò rò ní ndi, mǎ mà átò mǎ mótè.

¹⁴ Mǎ mǔni wà dhu, Kàgàwà, yà Ádrùngbǎle Yèsù nabhù rìngbè ndi ove-bvù rò, ràrǐ àlě àbhù àbhù àlě rùngbe àlě átò, Yèsù mànà àlě kúngbò àlě dhu-okú dò rò, ndàdù mǎbhu mǒwù ùvò atdíkpá nyǐ mànà Yèsù-ònzǐ. ¹⁵ Obhó tí, yà ròkà rí ndònzì kóró dhu rǐ ndònzì okúkù dò rò, ndínǐ Kàgàwà bhà ídzìnga níisé tí ndi atdíǒ ábhǒ aɛ tò. Ndi dhu bhěyi ní ndi, òtsò àbhù rí Kàgàwà tò kàbhà ádrùngbǎnga tó awáwù-okú dò rò aɛ-bvù ràdù ndise.

* 4:13 4.13 Zàb 116.10

¹⁶ Wò dhu-okú dò rò, afika rĩ nzi ndingyě akεkpá màtí. Ndirò àzèmbè irinà ngbõka rãrà ndàmbe ndingyε dõ rórò, Kàgàwà arí obi ìbho bilínganà fãkà afika ònà rò. ¹⁷ Obhó tí, yà mã mábàna kòmbí àpbe rĩ'ì isó tí, ndirò ka rĩ'ì ngúfe idho kèlě tí. Pbétù ndi àpbe rĩbhona mãbà ní itũ r'ò, ndirò dhòdhódhóngà nà rádi ádrùngbãnga tó awáwù. ¹⁸ Mã míli nyìkpòka ròyá dhu ní yà ìnzí arí 'àlã dhu, pbétù mã míli nzá ka yà 'àlã arí dhu rõ. Obhó tí, yà kpangba rí 'àlã dhu náaróko ngúfe idho kèlě tí, pbétù ìnzí rí 'àlã dhu náaróko dhòdhódhónganà.

5

Yà adzi ò aε-ngbò mà òrù-akpà ò aε-ngbò mànà

¹ Obhó tí, àlě-ngbò, yà adzi ò àlě karóko ònà hemě-dzà náapé ndùgòlò, ní àlě kùni wà dhu, àlě rari'ì inè Kàgàwà ósi àlě tó idza nà òrù-akpà ò. Ndi idza ní dhòdhódhóngà nà rádi idza, yà ìnzí ní ìndrũ-otsú ósi. ² Kòmbí àlě karí àlě ùhũ ndi hemě-dzà tó aε-ngbò ò, Kàgàwà rĩbhona ndi òrù-akpà ò aε-ngbò òdò àlě kí àlě-atdyú nyú nà àlě rùfõ àlě rõ dhu-okú dò rò. ³ Ndi aε-ngbò àlě kùfõ rò, Kàgàwà adùya nzi àlě òtù nzìnzí rò, ìmbã àlě-ngbõ na. ⁴ Obhó tí, yà òko àlě kòko yà adzi ò aε-ngbò tó hemě-dzà ò ònà kàsùmì ò, àlě kí àlě ùhũ tũ r'ò ànò nàndò aε bhèyi. Ndi dhu ní nzi àlě kòzè àlě rùvò yà adzi ò àlě-ngbò ò rò dhu, pbétù ka ní àlě kòzè àlě rùfõ òrù-akpà ò aε-ngbò dhu, ndíni dhòdhódhóngà tó ípirõnga tó aε-ngbò nòoto tí yà òvè rádù òvè aε-ngbò. ⁵ Kàgàwà nyú ndítirò ní ndi àlě nùli ndi ípirõnga tó. Kãdù ìlilã-Alaffi ìli àlě-nyutsi rĩ'ì àlě tó ndi nduli àlě kabáya tí kóró dhu tó tsènzerù tí.

⁶ Nírò, àlě kí'ì inè a'uta nà atdíð kóró kàsùmì ò, iwà màtí àlě kùni dhu, yà òko àlě kòko aε-ngbò ò tí ònà

kàsùmì ð, àlě ròko òko itse Ádrùngbàle Yèsù rǒ rò rórò.
 7 Àlě ùnda arí dhu ní a'uta, ìnzǐ ní yà ale-nyìkpó ð ka
 kálàna dhu. 8 Obhó tí, àlě kí'ì inè a'uta nà tí atdíð, ndirò
 àlě kòzè àlě rùvò yà ale-ngbò ò rò, àlě ràdù òwu òko
 Ádrùngbàle Yèsù-tí'ò. 9 Nírò, ale-ngbò tó ófò ð àlě kóko
 dhu màtí dhu ì'ì nǐ, ndirò ngàtsi nǐ ndi ale-ngbò tó ófò
 ò rò àlě kùvò dhu màtí dhu ì'ì nǐ, atdíð àlě kòzè dhu ní
 àlě rònzì Ádrùngbàle-nyìkpó òfò rí dhu. 10 Obhó tí, àlě'ì
 kóró àlě kikòya Krístò bhà anya t'únòta tó tombi-ònzǐ.
 Anyirò rò, kóró ale abáya perè àdhàdhì yà òko ì òko yà
 adzì ð ngbòya ð rórò ì anzì idzì dhu mà ndirò nzère dhu
 mà-bvù rǒ.

Kàgàwà ózè ndùngbò kóró ale ndì mànà Krístò-nyutsi
 dhu

(Ròm 5.1-11; 6.2-13; Èfe 4.20-24)

11 Ádrùngbàle Kàgàwà-òdò àkà kònzì dhu mà múni
 dhu-okú dò rò, mà mǎrí dhu òne ìndrù rà'ù yà mà
 múnona dhu ràrǐ obhó dhu. Kàgàwà ùni wà mà mbèyi
 nyú, ndirò ma mà'ù dhu nyí nyú mà nyí rùnì wà mà'ì
 átò mbèyi nyú afíku ò. 12 Mǎ'ì nyú, mà mòzè nzá màmbè
 mǐtè dǒ mà-tírò ònzìkú, pbétù mà mòzè màbhu fǔkù
 dhu ní ngǔkpà ale-ònzǐ nyí nyí nyílè okúka dò rò òná
 otu. Ndi dhu bhèyi ní ndi, nyí nyí yà ngbòka ùno arí
 ale tò nyí nyádúna dhu nába. † ale náarí 'òyò yà fíyó
 màndù arábhùna 'ònzì kpangba rí 'alà dhu-okú dò rò,
 ìnzǐ ní afíya nyú ò rí'ì dhu-okú dò rò*. 13 Dhu apé ì'ì
 atdíðhená ale ála mà ìmbà irèta nà ale tí dhu tí, ní kà
 rǐ'ì ndi dhu bhèyi Kàgàwà bhà kasù ònzì mà mǎrí dhu-
 okú dò rò. Pbétù mà mapé ì'ì inè idzì irèta nà, ní kà rǐ'ì

* 5:12 5.12 †màndù nǐ'ì: Pbàìsràyélí nyú tí ka kí ale òzè dhu
 mà, ale-ònzǐnga òbhòlò ka kí dhu mà, somà tó màndù
 ifù ka kí dhu mànà.

2 Pbàkòritò 5:14 13 2 Pbàkòritò 5:21

ndi dhu bhëyi nzinzikũ ð mã mání Kàgàwà bhà kasũ ònzi dhu-okú dò rò. ¹⁴ Obhó tí, Krístò ózè àlě nř àzè řĩ mĩtũ mǒnzĩ kasũ, yà mã má'ù dhu atdíđ, atdí ale kèlě, Krístò, rārĩ ndi kóró ale tó ngari ð avè rò. Nírò, kóró ale núve wà atdíkpá kà mànà†. ¹⁵ Àbadhi avè kóró ale tó ngari ð, ndínĩ ípìrǒnga-owútá nábà ale nóoko tí ìnzĩ nyìkpóya nòfò ìtírò dhu bhëyi, pbétũ ndínĩ abádhí oko tí yà fiyó ngari ð avè, ndàdũ ndìngbè ɔve-bvũ rò ale-nyìkpó nòfò dhu bhëyi.

¹⁶ Ndi dhu-okú dò rò ní ndi, yà obhóna mã múniná rò, mã mání nzĩ atdí ale mã nózũ yà adzi ð ndi ale řĩ nà nyunatsi ófò ð. Dhu řĩ mbã ì'ì angyi mã mazũ Krístò yà adzi ð kř'ì nà ófò ð dhu màtí, ní kòmbí mã mòzũ nzá ka ndi ófò ð. ¹⁷ Nírò, ìngbàtí ìli ndi ale mã náape ndùngbò Yèsù Krístò nà, ní ndi ale òngò wà ìndrũ-owútá tí. Angyi kř'ì nà nyunatsi ófò núdà wà, pbétũ kòmbí kà řĩ nà nyunatsi ófò ní owútána tó. ¹⁸ Kǒkò dhu kóró nanzĩ ní Kàgàwà. Kùngbò àlě ndi mànà Krístò-otù ð, ndàdũ ngũkpá ale àbhũ àlě kí rùngbò ì ndi mànà dhu tó kasũ ìbhò fóká. ¹⁹ Kàgàwà nívi Krístò yà adzi ð ndínĩ kóró ale nabhũ tí rùngbò ì ndi mànà. Krístò-okú dò rò, kārĩ nzĩ ì ale tó afátá nózũ. Ndirò, křbhò ndi ɔte t'óvota tó kasũ fóká.

²⁰ Nírò, mã'ì ní Krístò ívi ɔvòna rǒ ongó tí òte ale. Ndi dhu řĩ àdhàdhì Kàgàwà nyú ndìtírò řĩ ìndrũ ùnzi otùka ð dhu bhëyi. Ní ndi dhu-okú dò rò, mã mí ìndrũ ìtdè ìtdè tí Krístò-ovò rǒ, rùngbò ì Kàgàwà nà. ²¹ Krístò nyú ndìtírò ní'ì mbã nzéřnga nà. Pbétũ, Kàgàwà abhũ ka

† 5:14 5.14 Kóró ale núve wà atdíkpá Krístò mànà dhu-tì ní: Kàbhà ɔve-nyutsi, kóró ale řĩ àdhàdhì iwà úve ale bhëyi Kàgàwà-nyìkpó ð.

rànò àlě tó nzéřnga tó tútánga, ndíně kà-nyutsi Kàgàwà
 ɔzú tí àlě obhónángatále tí.

6

Pɔlò mà rǎbàna àpbè řǎ abádíhí ìtè
 Kàgàwà bhà obhóná kasutále tí dhu

¹ Nírò, mà'í, yà atdíkpá mà marí kasu ònzi Kàgàwà
 mànà rò, mà mìtdè nyí ìtdè tí, màti: àpé nyí rǎbhū
 Kàgàwà áso nyí nǎ asota rǎ'í kókórònga tó asota tí. ² Obhó
 tí, Kàgàwà řǎ dhu òvo yà dhu bhěyi ìlǎ Andítá ò, ndàti:
 «Ídzìnga àkǎ mɔnzì ìndrǔ tò òná kàsùmì àkǎ rò, ma mǐrǐ
 tsùnǎ dhu.

Abádíhí àkǎ migǔ òná ìdho àkǎ rò, ma manzì dzùnànǎ*.»

Nírò àbanǐnzó, kǎnǎ kòmbí rǎ'í kàsùmì ní ndì Kàgàwà
 òzè ndònzì ìdzìnga ìndrǔ tò òná. Ndirò kǎnǎ indo rǎ'í
 ìdho ní ndì kà řǎ i ale ìgǔ òná ìdho. ³ Mà mǎrǐ nǎ
 atdí dhu mà ònzi, yà ìndrǔ-tsù ùtò rádù ìnzǎ rǎngū
 Kàgàwà bhà otu, ìnzǎ atdí ale mà náadù tí òte nzéře
 kàsǔka nǎ. ⁴ Pbétù, mà mǎrǐ mǐtè kóró kàsǔka ǒ mà
 rǎrǎ Kàgàwà bhà obhóná kasutále. Ní, mà mǎrǐ kóró
 dhu-dzi òndù atdíđ: mǔndù àpbè-dzi mà, ìmbǎ mà mǐ'í
 dhu nà fóká dhu-dzi mà, ndirò ɔɔo àbhǔ rǎ rǎsǎ ìndrǔ
 ò dhu-dzi mànà. ⁵ Ka kóvì mà, kúsó mà imbi ò, kadù
 mǎbhū ìndrǔ rǎvǎ dhu ròkǎ. Mà mɔnzì mǎbhǔ rǎ mǐngyě
 mà atdíđ kasu, ìdho mà ràdù mǐře, ndirò màdù òko
 átò ìnzǎ mǔnyù ònyù mà. ⁶ Mà mǐtè mà Kàgàwà bhà
 obhóná kasutále tí, Kàgàwà-nyìkpó ǒ ìlǎ ǒfó ǒ mà móko

* 6:2 6.2 Yǎrǐ Andítá rǔte òná ní Kàgàwà bhà Kasutále
 (Ìsa 49.8). Ní iró, Pɔlò ìlǎ ndì ndì kasutále bhà ngari ǒ.

dhu-otù ǒ, Kàgàwà dǒ mǎ múnì dhu dhu-otù ǒ, dhu-dzi t'òndùta-otù ǒ, ídzinga ònzì mǎ mí dhu-otù ǒ, ìlǐlǎ-Alafí írǎ mǎ dhu-otù ǒ, ngǔkpà aɛ mǎ mózè obhóná àzè nǐ dhu-otù ǒ, ⁷ obhóná ɔɛ òvɔ mǎ mí ìndrù tò dhu-otù ǒ, ndírò Kàgàwà íbhò pbìndà ádrùngbǎnga tó ɔbì fákà dhu-otù ǒ. Mǎ mídyì obhónánga t'ònzìta rì'ì àdhàdhì fangà dònǎ ɔtsúka nǐ mǎ mí ròkǎ òmvù ùgye nǐ mǎtsǔmù bhěyi, ndírò ígù dònǎ ɔtsúka nǐ mǎ mí ròkǎ òmvù-tsù ùtò nǐ mǎtsǔmù bhěyi. ⁸ Atdídhená aɛ náarí mǐfǔ, ngǔkpà aɛ ràdù ìtsìka ònzì. Atdídhená aɛ arí nzéɛ dhu àwě dòkǎ, ngǔkpà aɛ ràdù ídzi dhu àwɛ dòkǎ. Ka karí mǒzù títótáɛ tí, àzèmbè mǎ mí obhó dhu ùnɔ rórò. ⁹ Atdídhená aɛ ùnì nzá mǎ marí'ì nà ádròdrònga, àzèmbè iwà ngǔkpà aɛ núnì ka mběyi nyú rórò. Mǎ marí mǒtù bìlìnganà ɔvɛ-kù-bhu ǒ, pbétù mǎdù ì'ì nyìkpóka nà tí. Ka karávu ròkǎ, pbétù ìnzì kadù mǒkyè. ¹⁰ Ka karí izu àbhǔ rùka mǎ, pbétù mǎdù ì'ì atdídǒ ídhèka ìka ndì ró. Ka karí mǒzù nǎkùtáɛ tí, pbétù mǎ marí ábhǒ aɛ ìnzì Kàgàwà bhà otu ǒ. Ka karí mǒzù ìmbǎ mǎ mí'ì dhu-tsí nà aɛ tí, pbétù mǎ mí'ì kóró dhu-tsí nà.

¹¹ Nyǐ Kòritò tó kigò ǒ bhǎ, mǎ mǒvò dhu kpangba fǔkù, ndírò mǎ mǎpfò afíka rì'ì kpangba fǔkù. ¹² Mǎ'ì, mǎ mútsì nzá afíka ìnzì mǒzè nyǐ, pbétù nyǐ ní ndì nyǐ nyútsì afíku ròkǎ ìnzì nyòzè mǎ. ¹³ Kòmbí ma mí dhu òvɔ fǔkù àdhàdhì pbàkà inzo bhěyi: nyǐ nyàkǎ nyònzì dhu mǎ bhěyi, nyǎpfò afíku nyòzè mǎ àdhàdhì mǎ mózè nyǐ dhu bhěyi.

Nzéɛ dhu rǒ rò dhu àkǎ kǐndà aɛ dhu

¹⁴ Nyǐ nyàkǎ nzá nyùsò idàku atdíkpá ìnzá Yèsù ná'ù aɛ mànà. Obhó tí, íngbà ìrita ndì rádù ì'ì obhónánga mǎ nzínzì ǒ nzéɛnga mànà? Íngbà ìrita ndì rádù ì'ì awáwù

mà nzínzi ǒ ínò mànà? ¹⁵ Íngbà irta ndi rádù ìì Krístò
mà nzínzi ǒ Bèliyalí† mànà? Ndirò, íngbà irta Yèsù ná'ù
ale mà nzínzi ǒ rádù ìì inzà Yèsù ná'ù ale mànà? ¹⁶ Íngbà
irta ndi rádù ìì Kàgàwà bhà idza‡ mà nzínzi ǒ sànamù
mànà? Obhó tí, àě nyú, àě ní yà Ípìrǒrò arí'ì Kàgàwà
bhà idza, àdhàdhì àbadhi nyú ndìtírò náavò dhu dhu
bhëyi. Kǎti:

«Ma madìya abádhí nzínzi ǒ, mǎdù ùbhi atdíkpá abádhí
mànà.

Íma ní'íya abádhí tó Kàgàwà, abádhí ràdù ìì pbàkà ale* .»

¹⁷ Ndi dhu-okú dò rò, Ádrùngbǎle Kàgàwà rǐ dhu òvo
pbìndà ale tò, ndàti:

«Nyùvò inzà dhu ná'ù ale nzínzi ǒ rò, nyǐndà nyǐ abádhí
rǒ rò.

Àpé nyùpbàlǎ yà òtòtì dhu tí rí'ì nyìkpódu ǒ dhu-ngbò* ,
nírò ní ndi ma mǎdù nyǎkò* .»

¹⁸ Ndirò, wò kóró dhu dǒ arí'ì ádrùngbǎnga tó obi nà
Ádrùngbǎle Kàgàwà rǐ dhu òvo tdítǒ ndàti:

«Ma mádi Àbakù tí,
nyǎdù òko idhúdu mà ivádu mànà tí* .»

7

¹ Ní yà atdíǒ ma mózè nyǐ rò, nyùnì dhu, Kàgàwà
rókò kóró kǒkò dhu tó làká àě tò. Dhu àká àě rù'o
àě, àě rǐlǎ yà àě-ngbò mà àě-afí mànà nábhù rǒtì kà-
nyìkpó ǒ kóró dhu ǒ rò. Ndirò dhu àká àě rǒnzì obi,

† 6:15 6.15 Pbàgìrìkí t'ávàna ǒ ka kí pǒmvo Sitanì àti Bèliyalí
tí. ‡ 6:16 6.16 Kàgàwà bhà idza tí ka kátina iró ní, ndi idza ǒ
atdíǒ ílǎ Kàgàwà-nyìkpó ǒ kàluga. * 6:16 6.16 Law 26.11-12;
Zèk 37.27 * 6:17 6.17 Ìsa 52.11 * 6:17 6.17 Zèk 20.34,41 * 6:18 6.18
2Sà 7.8,14

àlě rìì kà-nyàkpó ǒ ìlǎ atdíǒ ale tí, kǒdò ònzi àlě kí rórò.

Polò mà Kòritò tó kigò ǒ bhà mànà rǐ ùngò dhu

(Mbà 25.25; 1TÈ 3.6-9; Èbr 13.17)

² Nyùbhà mà mǎbà ngari afíkù ò, nyòzè mǎ! Mǎ mǎfǎ nzá dhu atdí ale nǐ màtí, mǎ mǎbhù nzá atdí ale mà ràwǐ pbìndà a'uta ǒ, ndirò mà mútrǎ nzá atdí ale mà fóná ongyéngá mà mabá tí. ³ Ma mùnò nzá wò dhu ànyǎkù ma mǒtdí tí. Obhó tí, àdhàdhì yà ma mùnò fùkù dhu bhěyi tí, nyǐ ní atdíǒ mà mózè nyǐ ale, ìmbǎ rǐì ípirǒnga ǒ màtí ndirò ɔve ǒ màtí. ⁴ Ma míì a'uta nà atdíǒ nyùkùtsì, idhèdu ràdù ndìka atdíǒ okúkù dò rò. Kóró fáká àpbè ǒ, ma marádi iwà afídu òpè ndì rórò, ndirò iwà idhèdu ìka ndì atdíǒ rórò.

⁵ Màkèdòniyà mà mítdègu òwu ùvò, ní mà máso nzá ngbǒka akèkpá màtí. Mà mǎbà àpbè kóró ngari ònǎ rò, ìndrù úgyè ì mà mànà, ndirò mà míì ɔdò nà afíka ò. ⁶ Ní, Kàgàwà yà afíya ìngyě ì ale-afí òpè arí, nópè ndì afíka Titò ìrà àhù tika ò dhu-otù ǒ. ⁷ Kǒpè nzá afíka ndì dhu-otù ǒ tí, pbétù kǒpè ka Titò ìrà òvòná fáká dhu-otù ǒ. Titò áwe ìngbà dhu bhěyi màtí nyǐ nyópè afína dhu fáká. Ndirò kǎwe ìngbà dhu bhěyi màtí nyǐ nyǐì dhu-atdyú nà atdíǒ nyǎla ngbǒdu dhu. Kǎwe ìngbà dhu bhěyi màtí nyǐ nyǐì izù nà ndì nónzì dhu-okú dò rò dhu*, ndirò ìngbà dhu bhěyi màtí nyǐ nyádzi nyǐ okúdu dò rò dhu. Ní ndì dhu ádù idhèdu àbhù rìka ndì atdíǒ.

⁸ Ma mùni wà dhu yà angyi ma mǎndí fùkù bhàruwà rábhù wà izù rùka nyǐ, pbétù ma mòzù nzá ndì dhu. Ma mózùyana dhu izù ma màbhù rùka nyǐ ákě kàsùmì tí rò. ⁹ Ní kòmbí idhèdu ìka wà ndì. Kìka ndì ìnzǐ ní yà fùkù ma mǎndí bhàruwà ábhù izù rùka nyǐ dhu-okú

* 7:7 7.7 2Kò 2.5-11

dò rò, pbétù ndi izu ábhu nyí nyǔgèrè nyí, nyǔbhà fùkú nzénga dhu-okú dò rò. Obhó tí, izu úka nyí àdhàdhì Kàgàwà ózè ka dhu bhèyi. Nírò, mã mónzì nzá atdí nzére dhu mà rùkú wò fùkú ma mándí bhàruwà nì. ¹⁰ Obhó tí, Kàgàwà-nyìkpó nòfò dhu bhèyi rí indrù ùkà izu, rādù indrù àbhù rùgèrè ndì ndùbhà pèndà nzénga, ndi dhu ràdù Kàgàwà àbhù rìgù ndi ale. Ní ndi dhu rí nǚ àdù indrù àbhù ròzù dhu. Pbétù, yà adzì àbhù rùka indrù izu náarí indrù ùnda ɔve ò Kàgàwà-nyìkpó ǔ. ¹¹ Nyàndà pé, yà nyí nùka izu-otù ǔ Kàgàwà ónzì ídzìnga: kòmbí, kàbhu nyí nyòzè atdíð inzà nyí nyáfà dhu yà ndì nónzì dhu ǔ dhu ìtè rí ale tí. Kàbhu nyí nyí'ì nzére ka kónzì dhu-okú dò rò òyànga rí'ì wa ale tí, ndìrò ndi dhu-okú dò rò rádù ndìpè dhu ɔdò ònzì rí ale tí. Kàbhu nyí nyí'ì abho atdyúya rí'ì 'àla ngbòdu ale tí, ma màbhù fíyò sedzà nífu ale tí, ndìrò nzére ka kónzì dhu nísò màlípò nǚ ale tí. Nyí nyítè dhu kóró otu ǔ nyí rarí mbà afátá nà nzére ka kónzì dhu ǔ.

¹² Nírò, ma mándí nzá dhu fùkú ndi dhu náfà ale-okú dò rò, ndìrò ma mándí nzá ka ndi dhu ka káfà nǚ ale-okú dò rò. Pbétù, ma mándí ka ndíní ìngbà dhu bhèyi màtí nyí nyòzè mã'ì atdíð dhu nitè tí kpangba Kàgàwà-ònzì. ¹³ Wò dhu-okú dò rò nga ní ndi, afíka òtsì ɔbì nǚ.

Afíka òtsì ɔbì dhu-ògù dǔ, idhèka íka ndi atdíð Titò fí'ì dhèdhe-okú dò rò. Obhó tí, nyí kóró, nyí nyábhù kà-afí ròtsì ɔbì. ¹⁴ Angyinà rò ma móvò dhu kà tò matì, ma rarí dhèdhe nà okúkù dò rò. Ní ma móyò nzá ma kòkórò. Mã múndò kóró dhu ní'ì obhó dhu. Ndìrò, nyí'ì mã mílè nǚ Titò-ònzì ilèta ní'ì obhó ilèta átò. Ndi dhu ónzì ndi yà mã múndò ka dhu bhèyi. ¹⁵ Kàbhà àzè arí ndisè atdíð okúkù dò rò, nyí nyífu ndi kóró kàsùmì ǔ tí dhu mà, nyí nyáko ndi ifuta nyú nà ìvì ngbòkù rívi rórò tí

dhu màna dhu ndì ndìrè rò. ¹⁶ Ma mí'ì dhèdhe nà a'uta nà ma mí'ì ùkù kóró dhu-tsí ǒ dhu-okú dò rò.

8

Pbàkrístò àkã ì'ì ìndrù dzùna t'ónzita tó alɛ-afí nà dhu (Mrk 12.41-44)

¹ Àbanǎnzó, mã mòzè nyǎni Màkèdòniyà tó pbìrì ǒ kànísá tò* Kàgàwà ónzì ídzìnga. ² Abádhí ábà àpbè abho, pbétù 'àdù òko dhèdhe ǒ tí atdíǒ. Ìnè màtí ì í'ì nǎkù nyú tí atdíǒ rórò, abádhí rǎ'ì nà ìndrù dzùna t'ónzita tó alɛ-afí náadù òse tí òse. ³ Abádhí úbho pɛrè yà ì nyú ì í'ì nà dhu-bvu rǒ, ndìrò ròsè òse tí màtí yà ì nyú ì àmbèna ònzina dhu dónã. Ìma ní ndì dhu tó ngàmì. Abádhí ónzì ka ìnzá atdí alɛ mà àvì 'ònzì rórò. ⁴ Abádhí ìtdè mã mã ù dhu fíyò 'ùngbò ì ngùkpà alɛ màna 'ònzì Yèrùsàlemà tó kígò ǒ rí'ì Kàgàwà bhà alɛ dzùna. ⁵ Abádhí ónzì dhu òsè òse tí yà foyá mã múbhi òdòna rǒ mã mabá tí dhu dónã. Wemberè tí, abádhí ádzi ì ì nyú tírò Ádrùngbàle Yèsù tò, ndì dhu-dzidǒ, 'àdù 'àdzi ì nyú tírò fǎkà átò àdhàdhì Kàgàwà ózè ka dhu bhèyi. ⁶ Nyǎ nànda dhu nǎ, Titò ópè wà ndòtè ìndrù nà ndí'ì m̀dzùna ònzì ka kí nǎ dhu nìtsà tí. Ní ndì dhu-okú dò rò, mã mìtdè ka ìtdè tí átò ràdu ndì bvùkù, ndí'ì wò ùkù rí'ì ìndrù dzùna t'ónzita tó alɛ-afí tó kasu nanda tí ndàrà ùtsàna mbèyi. ⁷ Obhó tí, nyǎ nyí'ì kóró dhu-tsí nà abhàbhó. † dhu ní: Yèsù Krístò nyǎ nyá'ù obì nyú nà dhu, alɛ-dò àlǎ rí ɔtɛ ùno nyǎ nyá'ì dhu, Kàgàwà ábhù inga nyǎni dhu, nyǎ nyábhù obìkù kóró Kàgàwà bhà kasu t'ónzita tò dhu, ndìrò àzè mã mángbɛ atdíǒ nyùkùtsì dhu. Ní ndì dhu-okú dò rò, nyǎ nyàkã

* 8:1 8.1 Màkèdòniyà tó pbìrì ǒ kànísá ní'ì: Fìlipì mà, Tèsàlònikà mà, Bèroyà mà ngùkpà kígò màna ǒ kànísá .

nyíì ìndrù dzùná ònzì nyí nyí dhu tó ale-afí nà atdíđ nyú átò.

⁸ Ma mùnò nzá wò dhu fùkù uyátá tí. Pbétù ma màwε fùkù dhu ní, ngùkpà ale ábhù ɔbìya kóró Kàgàwà bhà kasù t'ónzita tò dhu kèlě, ndíní fùkú àzè tó obhóna nìtè tí. ⁹ Nyí nyúni wà àlě tó Ádrùngbàle Yèsù Krístò bhà ídzìnga. Àbadhi nìì ònzítale, pbétù kàdù ndònzì ndìì nàkùtále tí okúkù dò rò, ndíní nyí nyadù tíì ònzítale tí pbìndà nàkù-otù ɔ.

¹⁰ Wò nyí nyítsàna dhu nàndà dhu nì, yà ma móvona fùkù dhu ní pbàkà ìrèta. Ndi ìrèta ní àkàkà fùkù ìrèta. Yà inzi f'íná atò ɔ, nyí n'íná ndi wemberè t'ále yà ndi dhu nòzè 'ítsà, ndirò nyí n'íná ndi wemberè t'ále átò yà ndi dhu nópèná 'ítsà. ¹¹ Ní kòmbí, nyí nyàkà nyòwù kà nà nyòwù ùtsàna. Àdhàdhì nyí nyíì ídzi afíku nà nyúdhe ka nyǒnzì dhu bhěyi, nyí nyàkà nyíì ídzi afíku nà, nyǒnzì ka àdhàdhì yà nyí nyíì nà ongyéngá-bvù rǒ. ¹² Obhó tí, ìndrù apé ìì ídzi afína nà Kàgàwà tò ndi ndí dhu àbhù rò, ní Kàgàwà rǐ kàbhù dhu à'u àdhàdhì yà kà rǐì nà dhu-bvù rǒ, ìnzì ní yà ìmbà kà rǐì nà dhu-bvù rǒ. ¹³ Wò dhu rǐ nzi àtina nyí ràkà nyòkò àpbè ɔ ngùkpà ale dzùná t'ónzita-okú dò rò, pbétù dhu àkà kóró ale rǐì dhu-tsí nà àdhàdhì. ¹⁴ Ndirò kòmbí, yà nyí nyíì nà abhò ròsè dhu-tsí nì, nyí nyínè nyǒnzì ìmbà rǐì dhu nà ale dzùná. Ndirò atdíku, yà abádhí rǐì dhu-tsí nà abhò ròsè òná kàsùmì ɔ, abádhí i'iya ìnè 'ònzì dzùnàkù átò rùkú dhu ɔtdì ndì rò. Ndi dhu bhěyi ní ndi, kóró ale rǎdù ìì àdhàdhì. ¹⁵ Àdhàdhì yà ìlìlǎ Andítá rǔnɔna dhu bhěyi:

«Abhò dhu nùwǎ ale níìì mbà dhu nà abhò nyú ròsè,

2 Pbàkòritò 8:16 21 2 Pbàkòritò 8:24

ndirò aε ka nùwǎ ale ní rǒ dhu atdì nzá ndì*.»

Titò mà rǒwu mǔdzùná ònè Kòritò tó kigò ò Yèrùsàlemà ì owu tí nà dhu

(1Kò 16.1-4; 2Kò 9.1-5)

¹⁶ Titò ózè ndònzì dzùnakù abhò, àdhàdhì mǎ mózè mǔnzì dzùnakù átò dhu bhèyi. Kàgàwà ní ndì kà-affi nábhu rǐrǐ ndì dhu bhèyi. Ní mǎ mí òtsò àbhù Kàgàwà tò ndì dhu-okú dò rò. ¹⁷ Kǎ'ù mǎ mànzì ndì ndíní ndara tí fùrábvù Kòritò tó kigò ò dhu. Ndirò ròsè dòtsì, kǐrǐ iwà ndì ndùdhe dhu ndítírò affina ò fùrábvù ndì ndara tí rò. ¹⁸ Mǎ mòvì atdíkpá kà màná ní, yà atdíð kóró kànísá arífùna ídzì Mákùrù dzùná t'ònzìta ò àlě t'ádòná. ¹⁹ Wò dhu-ògù dó, kànísá óvò ka, ndíní mǎ nunda tí mǒwù yà ùbhò ka kúbho mǔdzùná ùndò màná. Wò ndì ídzì kasu rǐ Ádrùngbǎle-òvò ilè, ndàdù ngùkpá ale dzùná mǎ mózè mǔnzì dhu ìtè átò.

²⁰ Mǎ mòzè mǔddò mǎ róná rò dhu ní, ìndrù rǐ ngbòka ùncò wò ndì ábhò fùrangà-tsùkǎ òdò mǎ mí tí dhu-okú dò rò dhu. ²¹ Obhó tí, mǎ mòzè mǔnzì ídzì dhu, ìnzì ní ròfò Ádrùngbǎle-nyìkpó kèlě, pbétù ròfò ìndrù-nyìkpó átò.

²² Mǎ mòvì ngàtsi àlě t'ádòná atdíkpá abádhí màná. Mǎ múdhe wà kà kàsù ibí-gùna nyù, mǎdù kòtù ngùkpá ale dzùná nózè ndònzì kóró kàsùmì ò ale tí. Ní, kòmbí kàbhù ndì atdíð ndì kasu tò, ndàdù ìrǐ a'uta nà atdíð nyukutsi átò. ²³ Titò nàndà dhu nǐ, ma mátina kà rǎrǐ òdhìdu, ndirò mǎ marí kasu ònzì atdíkpá kà màná fùkù ídzìnga tò. Ndirò kǒkò àbadhi nùndà ngùkpá àlě t'ádòna ní kànísá úvì ale. Abádhí rǒnzìna kasu arí Krístò-òvò àbhù ìndrù rìlè. ²⁴ Ndirò, nyí nyàkǎ nyítè dhu, iwà nyí róze abádhí obhó tí, ndíní yà abádhí núvì kànísá a'u tí

* 8:15 8.15 Uvt 16.18

dhu, 'àdù dhu ùni yà okúku dò rò mà mí ídzi dhu àwě rò, mà ràwε wà obhó dhu.

9

Dhèdhe nà rí dhu àbhù ìndrù tò ale Kàgàwà ózè dhu (Mbà 19.17; 1Tì 6.17-19; 1Yù 3.16-18)

¹ Ma mùni wà dhu, Yèrùsàlèmà tó kigò ò ríi Kàgàwà bhà ale tò ka kí tsùya ùndù mùdzùna-okú dò rò mà mí dhu àndí fùkù dhu rari kòkórò dhu. ² Obhó tí, mà mùni wà nyí nyí'í ídzi afiku nà abádhí dzùna nyí nyonzi tí dhu. Ní mà mìlè mà ilè tí okúku dò rò Màkèdòniyà* tó pbìrì ò bhà ònzí, matí: nyí, Àkayà tó pbìrì ò ríi pbàkristò tíró, nyí ròbhòlò wà nyí Kàgàwà bhà ale dzùna nyí nyonzi tí Yèrùsàlèmà tó kigò ò, ròpè ndì inzi údàná atò ò rò. Ní nyí nyí'í nà dhu dzùna t'ònzita tó afiku tó dhu ì ìrì dhu, nàdù abádhí nzínzi ò ábhò ale-atdyú nángbe rònzi dhu dzùna átò. ³ Ní, yà angyi mà mùnò fùkù dhu bhèyi tí, mà mòvi kàrì ìbhù àlè t'ádóna* ròwù bvùkù, ndíní nyí nyundu tí mùdzùna ònzi ka kí nì dhu-tsù angyangyi, yà mà mùnò nyí nyónzina dhu tí dhu bhèyi. Ní okúku dò rò mà mìlè mà nì ilèta nì'ina nzi kòkórò dhu. ⁴ Obhó tí, yà mà mówu màná atdíkpá Màkèdòniyà ò bhà náape nyòtù inzà nyí nyundu ì dhu-tsù angyangyi ró, ní nyíka iwuna atdídò abádhí-ònzí, mà móvò wà dhu abádhí tò nyí rari kònzonzi angyangyi nídhuní. Ndirò, mà mùni dhu nyíku radùna iwù átò abádhí-ònzí. ⁵ Ndi dhu bhèyi ní ndì, mà mála àkàkà dhu tí dhu ní, mòvi kòkò ìbhù àlè t'ádóna ròwù angyi idù, 'òwù ùvò fùrábvù, ndíní undu tí

* 9:2 9.2 Màkèdòniyà tó pbìrì ò bhà nì'i: Fìlipi mà, Tèsàlònikà mà, Bèroyà màná ò bhà. * 9:3 9.3 2Kò 8.17,18,22

wò nyǎ nyókò fíndá làká nyǎ nyúbhõna dhu tí dhu-tsí-tsù angyangyi. Ndi dhu bhëyi ní ndi, ma mára àhu rò, ma mí kòtù iwà nyǎ nyùndu tsùya ró, ndi dhu ràdù dhu ìtè, nyǎ rùbho ka ídzi afíku nà, ìnzǎ ní ùtù tí ka kùtu nyǎ dhu-okú dò rò.

⁶ Nyǎ pè yàrí òtè: ake itse nòzò ale, náarí dhu ògu ake tí, ndirò abho itse nòzò ale náarí dhu ògu abho tí átò. ⁷ Dhu àká dhu àbhù rí ale ràbhù ka àdhàdhì ndi nyú ndi ndùdhèná ka afína ò dhu bhëyi. Kàká nzá ndàbhù ka afína rǔguru rórò, ndirò ùtù tí ka kùtu ndi rórò. Obhó tí, Kàgàwà ózè ale ní dhèdhe nà rí dhu àbhù ale. ⁸ Ndirò, Kàgàwà rǎ ìnè òbì nà ndònzì kóró ídzìnga-tidò abho nyú fùkù, ndíní nyǎ nyongó tí nyǎ nyí atdyúna òho kóró dhu àbà kóró kàsùmì ò. Ndi dhu bhëyi ní ndi, nyǎ nyádù ì ò dhu-tsí nà abho nyú ròsè, nyádù àmbe kóró ídzi kasù ònzì dǒ nǎ. ⁹ Ídzi ale-okú dò rò, ìlǎlǎ Andítá rǎtina: «Kǎrí dhu àbhù ídzi afíná na nǎkùtále tò, kàbhà ídzìnga náarádi dhòdhódhóngà nà*.»

¹⁰ Kàgàwà ní ndi itse òzò arí ale tò arí itse àbhù, ndirò ònyù àbhù arí ìndrù tò. Ní kà rǎ itse àbhù fùkù átò, ndàdù kàbhù ròtrò atdíðò, ndíní fùkù ídzìnga òdhi tí itse abho. ¹¹ Kà rǎ nyǎbhù nyǒngò ònzítale tí kóró dhu ò, ndíní nyǎ nyongó tí dhu àbhù ngǔkpà ale tò ídzi afíku nà. Ndi dhu bhëyi ní ndi ábhò ale rǒngo àdù òtsò àbhù Kàgàwà tò fǔrǎbvù rò mǎ mòwùnà fǔyò mùdzùnà-okú dò rò. ¹² Obhó tí, wò nyǎ nyónzina dhu t'átsàta tó kasù rǎ nzǎ Kàgàwà bhà ale rǎ atdyúna òho dhu dzùnà kèlè ònzì, pbétù kà rǎ ábhò ale àbhù ràdu òtsò átò Kàgàwà tò. ¹³ Nyǎ nyí Krístò bhà ídzi Mǎkǔrù nyǎ nyífu dhu ìtè yà ìndrù dzùnà t'ònzita tó ídzi afíku nyú nà nyǎ nyúbho fùkù dhu-tsí Yèrùsàlemà tó kígò ò pbàkrístò mà, kóró

* 9:9 9,9 Zàb 112,9

ngũkpà ɔdhíkũ pbàkrístò mànà tò dhu-otù ǒ. Ní ndi dhu-okú dò rò, i ale rĩ ndi kasũ tó idzìnga ùnĩ, 'àdù Kàgàwà-ɔvò ilè. ¹⁴ Abádhí rĩ 'ìtsò dũkú, rìtè fíyó àzè fũkù, yà Kàgàwà ɔnzì fũkù atdídǒ bvùna ósè pbìndà idzìnga-okú dò rò. ¹⁵ Ní, Kàgàwà àkǎ àlě ràbhũ òtsò fìndà, yà àlě tò kíbhò pèrè tí Idhùnà, yà ìnzì pbìndà dhu rĩ ndàwě kóró okú dò rò!

10

Pòlò rĩ ndùgye uvitatále tó pbìndà kasũ dǒ dhu
(Ròm 15.17-19; 1Kò 2.1-5; 2Kò 6.4-7; 13.2-4,10)

¹ Ima Pòlò, ma mí atdí dhu ònzi ima nyú tírò fukú. Ìndrũ arátina ma rarí àdi ìyò nzínzikũ ǒ ma mí rò, pbétù itse ma mí rùkú rò rò, ma raràdù ngbǒdu ìdzìdzo tí! Ní, Krístò bhà ìyònga mà kàbhà idzìnga mànà-otù ǒ, ² ma mìtdè nyí ìtdè tí mati: nyí rǎkǎ nzá nyùtu ma mìdzò ngbǒdu ìdzo tí bvùkù ma mǎrà àhũ rò. Obhó tí, ma mùdhe dhu mɔnzì dhu ndi dhu bhěyi yà ìnga ìrè arí 'àti, mǎ rarí dhu ònzi ale-ngbò tó ɔfò ǒ atdídhená ale tò. ³ Mǎ'í ní yà adzi ǒ ale, pbétù mǎ mí nzí ìla ùgye yà adzi ǒ ale tó ɔfò ǒ. ⁴ Mǎ mí ìla ùgye nǐ mǎtsùmù ní nzí yà adzi ǒ ale náarí ìla ùgye nǐ mǎtsùmù-tidò, pbétù Kàgàwà arí ndi ɔbi àbhũ ì mǎtsùmù tò rùgolo róná òmvũ arí 'ùru ɔyà ngari. Ndirò, ì mǎtsùmù nǐ mǎ mí ìnè mǔgolo abádhí rùdhèna tìtò tó dhu, ⁵ ndirò mǔgolo abádhí rĩ nà ìdzítá tó ìrèta, yà ìndrũ-tsù ùtò arí ìnzì rùni Kàgàwà. Mǎ mòzè mǔgèrè kóró ale tó ìrèta, ndínĩ Krístò-tsù dhu nifũ tí. ⁶ Àkǎkǎ dhu bhěyi nyí nyí kifũ dhu mǎ màla rò, mǎ mùdhe wà dhu mǎ raràdù màlípò àbhũ ìnzì rí kifũ ale tò.

⁷ Nyí nyarí atdí dhu àndà yà ndi dhu rĩ ndàlǎ ònǎ ɔfò ǒ! Ìndrũ apé dhu à'u ndi rǎrĩ Krístò bhà ale, ní ndi ale àkǎ

ndùni dhu, mà mà átò, mà rari Krístò bhà ale ndi bhëyi. ⁸ Ádrùngbàle Yèsù Krístò íbhò ádrùngbànga tó obi fàkà, ndíni mà midì tí nyí nǎ, ìnzì ní ndíni mà mìnza tí nyí ìnzà tí nǎ. Ní, nyí nyí mbà mɔzè atdíđò ma mǎdzǎ ma ndi ádrùngbànga tó obi-okú dò rò dhu tí, ní nyídu rǎ nzǎ ìwɔ ndi kà nǎ ma mí kasɔ ònzì rò. ⁹ Ma mòzè nzá nyíre dhu ma ròzè midò ɔɔɔ ɔkɔ ma múnđina bhàruwà nǎ. ¹⁰ Obhó tí, atdíđhená ale arátina: ima Pɔlò, ma múnđi itsɛ rò bhàruwà raróru, 'àdù ì'ì obi nà. Pbétù, nzínziya ǒ ma mí'ì rò, ngbòdu rarí'ì ivívi, ndirò òtèdu ò rò kadù gàyàdu ònzì ònzì tí. ¹¹ Wò dhu bhëyi rǔte ale àkà 'ùni dhu: yà itsɛ rò mà múnđi bhàruwà fùkù òná ófò mà rí'iya àdhàdhì nzínzikɔ ǒ mà mówu ùvò rò mà mí dhu ònzì òná ófò mà nà.

¹² Obhó tí, i ale arí 'itè ádròdrò ale tí ìtirò. Ní mà mí nzǎ mǔmvù màkà àdhàdhì abádhí nà, ndirò mà mí nzǎ mǔdhè abádhí rǔ. Abádhí arí 'òzù ìtirò 'ùdhe ì ádù ìtirò nǎ udheta tó dhu tí. Ndirò abádhí arí 'ùdhè nà ní ì kèlè. Ní, abádhí ní pbàdhómá. ¹³ Mǎ'í na, mà mí nzǎ mǎdzǎ ròsè atdíđò. Pbétù mà mí mǎdzǎ okúna dò rò ní yà Kàgàwà íbhò fóká kasɔ kèlè. Yà Kàgàwà ábhɔ mà mǔwù ùvò wemberè tí fùrábvù rò, kǎli wà kàsùka nùtsà mà mówu ròyá ifo. Ní, i ifo ní i mà mífùna. ¹⁴ Mǎ màdà nzá i ifo, mà nyú ní ndi wemberè tí mà mówu ùvò Yèsù Krístò bhà Ídzi Màkùrù nà fùrábvù nídhunǎ. ¹⁵ Nírò, mà mí nzǎ mǎdzǎ ròsè atdíđò ngùkpà ale ònzì kasɔ-okú dò rò. Pbétù, mà mí mǔɔɔ fíndà dhu ní, fùkù a'uta rǎ ndisè rò, nzínzikɔ ǒ mà mǔnzina kasɔ-bvɔ rari ndisè isè, ràrà àhɔ yà fàkà Kàgàwà itè ifo ò. ¹⁶ Wò dhu-dzidò, mà mí'iya ìnè mǔwù Ídzi Màkùrù ùnò fùkù mùlengù-dòtsíró rí'ì mùlengù ò. Mà mòzè nzá mǔnzì kasɔ yà iwà ngùkpà ale ónzì kasɔ òyá mùlengù ǒ, màdù mǎdzǎ abádhí ónzì angyangyi kasɔ-okú dò rò.

¹⁷ Ìlǎ Andítá rǎtina: «Ndì nòzè ndìdzǐ ndì ndìtírò ale náká ndìdzǐ ndì Ádrùngbǎle Kàgàwà-okú dò rò tí*.»

¹⁸ Obhó tí, Ádrùngbǎle Kàgàwà rǎdù à'unà àkáká ale tí ale ní nzǐ yà ndìtírò rí ndìtè ale, pbétù yà ndìtírò Ádrùngbǎle Kàgàwà itè ale.

11

Ɔ̀lò rǐ Kòritò tó kigò ǒ Kànisa-nyìkpó itdyù tìtò tó uvitatále rǒ rò dhu

(Màt 7.15-20; Ròm 16.17-18; 2Kò 12.11-15; Gàl 1.6-9)

¹ Kòmbi ma mòzè mǒtè àrítále bhěyi! Ní ma mǒnzi nyǐ nyǎ'ù ma mǒtè! Dhu àká nyǎ'ù ma mǒtè! ² Ma mózè nyǐ nǐ àzè ní yà Kàgàwà ózè nyǐ nǐ àzè-tidò. Ma móri nyǐ atdí kpatsìbhále tò tí. Ndì kpatsìbhále ní Yèsù Krístò. Ní ma mòzè nzá ngǎtsi kpatsìbhále ròzè nyǐ. Ma mòzè mìtè nyǐ Yèsù Krístò tò àdhàdhì yà inzà àpè kpatsìbhále ùnǐ tsìbhíngba bhěyi. ³ Àdhàdhì osu Ɔ̀trá Èvà pbìndà mǎgèzi nǐ dhu bhěyi, ma mí Ɔ̀dòna ònzi dhu ní fùkù irèta rǐ ndìnzǎ, nyǎdù nyǐndà Krístò-owù ùngǔ nyǐ nyǐ kà tò nyǐ nyǐ nyǒdò ró rò dhu, ndìrò ìlǎ nyǐ nyǐlǎ Kàgàwà-nyìkpó ǒ rórò dhu. ⁴ Ìndrù apé iwu vurò Yèsù bhà màkǔrù ùnò fùkù, yà fùkù mǎ múnò pbìndà màkǔrù Yèsù rǒ rò, ní nyǐ nyarádù i ale ná'ù isó tí ròtè. Abádhí arí òte dòná fùkù ale-afí ní nzǐ yà angyi nyǐ nyábà ìlǎ-Alafí. Ndìrò abádhí arúnona màkǔrù ní nzǐ yà fùkù mǎ múnò Ídzi Màkǔrù.

⁵ Ma mà'ù dhu i ale, kǒkò ádròdrǒ uvitatále tí nyǐ nyarí àtina, rúdà nzá ma atdí dhu nǐ màtí. ⁶ Dhu rǐ ìnè mì'ì inzà Ɔ̀te nótì abádhí bhěyi ale tí, pbétù inga t'únita ǒ kà rǐ'ì mbà ndì dhu bhěyi akekpá màtí. Mǎ mìtè ndì dhu kpangba fùkù kóró kàsùmì ǒ, ndìrò kóró ófò ǒ.

* 10:17 10:17 YÈr 9.23

⁷ Ma múnò Kàgàwà bhà Ídzi Màkǔrǔ fǔkǔ ìnzǐ monzi mǔkǐmbà. Ma mifo ma mi'ì ákě ale tí ndínǐ nyǐ ny'ì tí ádrǒdrǒ ale tí. Nírǒ, wò dhu bhěyi ma mifo ma dhu ní'ì tí nzéřnga ma mǒnzǐ dhu? ⁸ Ma mákǒ ngǔkpà kànísá-fó dhu rǒnzǐ dzǔnàdu mǔkǐmbà tí yà fǔkǔ ma múbhi kasǔ ònzǐ rǒ rǒ. ⁹ Fǔrǎbvǔ ma mí'ì òná kàsǔmǐ ǒ, dhu òtdǐ ndǐ rúdú rǒ, ma mákǒ nzá dhu nzǐnzǐkǔ ǒ atdí ale-fó màtǐ. Obhó tí, Màkédòniyà tó pbirǐ ò rǒ iwǔ àlě t'ádóna nǐbhò ndǐ ma mí atdyúya òho kóró dhu-tsí idù. Ma módò ma mběyi kóró dhu-tsí ǒ, ìnzǐ mí'ì ànò tí dǔkǔ, ndirò ma móngo modò ndǐ dhu bhěyi tí. ¹⁰ Yà nyǔdutsǐ rǐ'ì Krístò bhà obhónga-otù ǒ, ma mí dhu òtsǒ křangba matǐ: ìmbǎ tsǔdu ùtò rádǔ ìnzǐ ma midzǐ tí ma wò ma múnò dhu-okú dǒ rǒ atdí ale mà rǐ'ì Akayà tó fǔkǔ pbirǐ ǒ kóró mǔlengǔ ǒ. ¹¹ Ádhu ma múnò wò dhu okúna dǒ rǒ? Tǐ ìnzá ma mòzè nyǐ dhu? ìnzǐ akěkpà màtǐ. Kàgàwà nyǔ nǔnǐ wà ma mózè nyǐ dhu!

¹² Nǐ ma móngo dhu ònzǐ yà kòmbǐ ma mǒnzǐna dhu bhěyi tí, ndínǐ ma mǔtsǐ tí kóró otu kǒkò 'àpà rǐ 'àmbe 'òyò dǒ 'àtǐ, ì rǎrǐ kasǔ ònzǐ mǎ'ì bhěyi ale rǒ. ¹³ Ì ale ní tǐtò tó uvitatále. Abádhǐ arǐ ìndrǔ ùtrǎ kàsǔya nǐ, 'àdǔ àmbe 'ònzǐ dǒ Krístò bhà obhóná uvitatále bhěyi. ¹⁴ Ndǐ dhu àkǎ nzá idho rǔkǒ nyǐ nǐ. Obhó tí, pfòmvo Sitanǐ ndǐtǐrò náarǐ ndònzǐ awáwǔ tó màlàyikà bhěyi. ¹⁵ Nírò, idho àkǎ nzá ndǔkǒ nyǐ kǒkò kàbhà kasǔtále rǐ 'ònzǐ 'ùlǐ ì Kàgàwà bhà obhónánga tó kasǔtále bhěyi rǒ. Yà adzi ǒ dhu-tsǔ rǐ ndòdǐ rǒ, abádhǐ tó ípìrǒnga níikùya àdhàdhǐ abádhǐ-kàsǔ-bvǔ rǒ.

Polò rǐ ndǐdzǐ ndǐ ndóndù àpbè-dzi dhu-okú dǒ rǒ dhu

(Kas 20.18-27; 2Kò 4.9-13; 6.3-10)

¹⁶ Ma mí dhu àdù mɔvò tdítǎ fǔkù, mati: atdí ale mà rākā nzá ndirè nga ma rārǐ àrítále. Ìmbǎ kǐ'ì ndì dhu bhěyi rò, nyǐ nyākā nyǎ'ù dhu ma rārǐ àrítále, ndínǐ ma midzí tí ma ake átò kǒkò títò tó kasutále bhěyi. ¹⁷ Yà ma múnɔna kòmbí dhu núnɔ ma mí nzǐ Ádrùngbǎle Kàgàwà òzè ka dhu bhěyi, pbétù ma mí kùnɔ àdhàdhì àrítále bhěyi. Obhó tí, ma mà'ù dhu inè ma rārǐ ma mí midzǐ okúna dò rò dhu nà. ¹⁸ Ábhǒ ale arí 'ìdzǐ ale-ngbò tó ófò ǒ. Ní ma mí midzǐ átò. ¹⁹ Nyǐ, yà dhu-ǒnga t'óvòtatále tí nyǐ nyǐ'ì rò, nyǐ nyarí kǒkò ì àrítále rúnɔna dhu à'u à'u tí! ²⁰ Nyǐ nyarí abádhí à'u ràvu rùkú inɔ bhěyi, ràbhù nyǐ nyǒnzì kòkórònga tó kasu, rùdhǎ fùkú dhu mà, ròzù nyǐ àkyǎkyè ale tí, ràdù nyìkpókum-bì mà ùwa. ²¹ Nyàdu rǐwù tí iwù yà dhu ùnɔ ma mí rò: Nyǐ pbàla tí nzá wà mà ivíví ale tí inzá mà mǒnzì dhu wò dhu bhěyi dhu okú dò rò! Ní nyùbà dhu fākà!

Kǒkò rùkú arávu ale apé 'òmuvù 'ìdzǐ ì ìngbàtí ìlì ndì dhu-okú dò rò màtí, ní ima mà átò ma mí midzǐ ìdzǐ. Kòmbí ma móte àrítále bhěyi. ²² Kǒkò ì ale tí Pbàèbràníyá? Ní ima mà átò, ima ní Mùèbràniyà. Abádhí tí Pbàìsràyélí? Ní ima mà átò, ima ní Mùìsràyelì. Abádhí tí Àbràhamù bhà pbàdzukuru? Ima mà átò, ma ní Àbràhamù bhà mùdzukuru. ²³ Abádhí arátina ì rārǐ Krístò bhà kasutále. Ní, kòmbí ma móte àdhàdhì àrítále bhěyi: ima ní Krístò bhà kasutále ròsè atdíǎ abádhí dònǎ. Ma mǒnzì kasu abhɔ nyú ròsè abádhí dònǎ. Ka kúsò ma ibí-gùna imbi ò ròsè abádhí dònǎ. Ka kóvì ma asé nǐ ròsè abádhí dònǎ, ndirò ma máhù ibí-gùna nyú ɔve-kù-bhu ǒ rò. ²⁴ Pbàyàhúdì tó ádròdrǒ ale úvì ma imbò-gùna, 'òwù mutì rò ìbhù kumì dònǎ àrùgyètdí nà asé nǐ*. ²⁵ Pbàrómá tó ádròdrǒ ale úvì ma mùgǒ nǐ ìbhù-

* 11:24 11.24 Tòr 25.3

gùna, ndirò abádhí úbvũ ma atdí-gùna odu nĩ ndínĩ ma mové tí. Ìbhu-gùna, ma múbhi òná bàtó nábi idha ò ndínza ndì, ndirò atdí-gùna ma múdà atdí iku mà atdí adyifò màná ádrùngbã rèrù ǒ. ²⁶ Pǒdu dǒ ma múbhi nĩ ábhǒ pbàkà abhi ǒ, ma mábà ibí-gùna nyú àpbè ní idha-akpá rütũ nĩ rùdú. Ma mábà àpbè ní òbí nĩ arí dhu ùdhã ìndrũ-fó rò ale rìbhòna idù àpbè. Ma mábà àpbè ní adódu Pbayàhúdì nyú rìbhona idù, ndirò ní ìnzì ní Pbayàhúdì mà rìbhona idù àpbè. Ma míì àpbè ǒ kigò ǒ màtí, rùngù ǒ màtí, ádrùngbã rèrù ǒ màtí, ndirò tìtò tó pbàkrístò nzínzi ǒ màtí. ²⁷ Ma mónzì ale ìngyě rí ododu kasu, ndirò ma mára àdi rǒ idho rògù ma ibí-gùna nyú. Ibí-gùna àwù ma, idha-atdyú màná nóhò ma. Ibí-gùna ma mára àdi rǒ ìnzì mɔnyù dhu, ìmbã ma mɔnyuna dhu rǐì dhu-okú dò rò. Gírì óhò ma, ìmbã ma máfǒna rùdú mberù ràdù ìì. ²⁸ Ndirò ìnzá ma mòvò kóró ngũkpà dhu rórò, ma marí ìrèna atdídǒ bìlìnganà ní kóró kànísá. ²⁹ Atdí ale náapé ìì ivívínga nà Kàgàwà bhà otu t'únguta ǒ, ní ma maríì ivívínga nà átò. Atdí ale náapé ìtsì nzéřnga ò, ní afídu arándì atdídǒ ndì dhu-okú dò rò.

³⁰ Dhu apé ìì ale ìdzǐ ka kí dhu tí, ní dhu àkã midzǐ ma pbàkà ivívínga-okú dò rò. ³¹ Kàgàwà, Ádrùngbãle Yèsù t'Ábanà, núnì wà dhu ìnzá ma rùnò tìtò. Ní, Àbadhi àkã ilèta nà dhòdhóhónɡa nà. ³² Dàmàsikì tó kigò ò ma míì òná kàsùmì ǒ, ádrùngbã kamà Àretà bhà ìwalì nùulì sàndìrì ndì kigò ò ka kótsù òyá tsàtsù-lí ndínĩ ìma nalú tí. ³³ Pbéttù, ka kipfo ma póló ǒ, kadù mifo imbi rǒ ka kòsò sěngě-yà-ba ǒ irinã, mawũ ndì kigò-ngbò ka kákpòrò nĩ kàlì-kutì rǒ, madù otu àbà mawì kà-rǒ rò*.

* 11:33 11.33 Kas 9.25

12

Krístò arí pbìndà òbí àbhǔ ivívinga nà rí'ì ale tò dhu
(1Kò 2.3-5; 2Kò 4.7-10)

¹ Dhu òfò tí nga midzǐ ma? Ndi dhu rǐbhòna ídzinga rǐ'ì mbǎ. Ìnè màtí kà rǐ'ì ndi dhu bhěyi rò, kòmbí ma móte yà Ádrùngbǎle arábhǔna mala ònyǔ bhěyi ródzì dùdù dhu tó ófò ǒ dhu-tsí mà, kǎrítèna idù órù ò aróko dhu mànà dhu-tsí dǒ. ² Ma mùni wà Yèsù Krístò nà ì núngbò atdí ale. Kàgàwà ábhǔ ndi ale ròdzì òrù, ràrà àhǔ ìbhǔ rí kisé òrù-akpà ò*. Ndi dhu ónzì ndì ró atò náhǔ wà atdí kumì dòná ìfò nà atò tí. Ndi ale ódzì tí ale-ngbò tó ófò ǒ? Ndirò ngǎtsi nǐ, kǒdzì tí ìnzǐ ní ale-ngbò tó ófò ǒ? Ma mùni nzá ka, pbétù ka nùni ní Kàgàwà. ³ Ma mùni dhu Kàgàwà rábhǔ ndi ale ròdzì ndàrà àhǔ pàràdisò † ò. Ndi dhu pbí'ì tí ale-ngbò tó ófò ǒ dhu, ndirò ngǎtsi nǐ kà pbí'ì tí ìnzǐ ní ale-ngbò tó ófò ǒ dhu. Ma mùni nzá ka, pbétù ka nùni ní Kàgàwà. ⁴ Ányì ndi ndàrà àhǔ rò, ndi ale írì ìnzǐ rí ndàwé ale-tsù ǒ dhu, ndirò ìnzá àkànà ìndrù ràwé akye dhu. ⁵ Ní ma mí midzǐ ìdzǐ wò ndi ale rò ndi nónzì dhu-okú dò rò. Pbétù ìma nyú nàndà dhu-tsí nǐ, ma mí midzǐ yà mìtè rí ivívi ale tí dhu-okú dò rò tí. ⁶ Ma mójeyana gukyè midzǐ ma, ní ma ní'yana nzǐ àrítále. Ma múnyana dhu ní'yana obhó dhu kèlě. Pbétù, ma mòdhò wà midzǐ ma mí dhu. Ma mòzè nzá ìndrù rǐ mòzù ádrùngbǎle tí, midzǐ ma mí okúya dò rò

* 12:2 12.2 ìbhǔ rí kisé òrù-akpà tí Bǐbìliyà ràtina dhu-tì ní: wemberè tí rí'ì ní yà àpbù rǐ'ì ònà òrù-akpà. Ɔyo rí kisé òrù-akpà ní yà àbí mà, adyifò mà, alali mànà rǐ'ì ònà òrù-akpà. Ndirò ìbhǔ rí kisé ní ndi Kàgàwà nyú arádi ònà òrù-akpà. † 12:3 12.3 Pàràdisò tí kátina ní Kàgàwà nózè ale náarówu òko kà mànà Ɔve dzidǒ ònà ngari. Ka kí kàti átò ìbhǔ rí kisé òrù-akpà tí.

dhu-okú dò rò dhu. Ma mòzè abádhí rífú ma ma múnɔna ró ì ìrì dhu mà, ma múnzina ró ì ála dhu màna okú dò rò.

⁷ Kàgàwà arítèna idù órù ò aróko dhu-tsí ní idho rř ìndrű ùkǒ nř dhu. Pbétù, kǎdù dhu-okpè bhěyi rí mutű dhu ùfò zǎdu ò, ìnzř ma midzř tí ma ròsè atdíđǒ. Kónzì ndi dhu pǔmvo Sitanì bhà màlàyikà otù ǒ, ndàbhú rǒpbi ma ndi dhu bhěyi ìnzř ma midzř tí ma. ⁸ Wò dhu-okú dò rò, ma mítsò ma ìbhú-gùna Ádrùngbǎle Kàgàwà rǒ, ndínì ndi dhu nipfo tí zǎdu ò rò. ⁹ Ní, kǎdù dhu àdu idù, ndàti: «Pbàkà ìdzìnga náká wà indù. Pbàkà ádrùngbǎnga tó obi arí kasu ònzì atdíđǒ ivívínga ǒ ìndrű rř ì rò.» Nírò, ma mà'ù wà midzř ma atdíđǒ pbàkà ivívínga ǒ, ndínì Krístò bhà ádrùngbǎnga tó obi nóonzi tí kasu atdíđǒ nyudutsì. ¹⁰ Ní idhèdu ìka wà ndi pbàkà ivívínga ǒ, ìma nř ka kí dhu ùnɔ dhu ǒ, dhu-ɔbì ròse dùdunǎ dhu ǒ, rùdú ka kǎvu dhu ǒ, ndirò odú ró'ò rùdú dhu ǒ. Ma mí kóró kòrì dhu-dzi òndù Krístò-okú dò rò. Obhó tí, ivívínga nà ma mí'ì rò nga ní ndi, kǎrř pbàndà obi ìbho idù nř.

Pòlò-afí rř ìnga ìrè atdíđǒ Kòritò ǒ pbàkrístò-okú dò rò dhu

¹¹ Ma mòtè àrítále bhěyi, pbétù nyř nyùtu ndi ma múnzì dhu ndi dhu bhěyi. Nyř ní ndi nyř nyákàna nyídzř ma ngűkpà ɔdhíku-ònzì, ìnzř ní ìma ma-tírò. Obhó tí, ìmbǎ ma mí'ì àkyǎkyè ale màtí, ní kǒkò fűkű ádròdrǒ uvitatále tí nyř nyózzùna ale nùdà nzá ma atdí dhu nř màtí. ¹² Obhó tí, fűrábvù ma mí'ì òná kàsùmì ǒ, ma múnzì kasu dhu-dzi t'òndùta nyú nà. Ndirò Kàgàwà ìtè ábhǒ ize mà, wìwì mà, ìnzá apèna 'ònzì angyi ìndrű-nzínzì ǒ dhu màna otùdu ǒ. Ní, ì dhu ní ì rí dhu ìtè ma rǎrř uvitatále nyú. ¹³ Ádhu nyú ndi ma múnzì ngűkpà

kànísá tò, yà inzà ma mádù ònzìnà fùkù? Inzá ma mónzì fùkù ní atdí dhu kèlě: ma mónzì nzá nyí nyúbho kàsùdu. Ní, nyùbà ndi afátá idù!

¹⁴ Yàrí ní ìbhù rí pbàkà abhi isě abhi yà ma mí mɔbhɔɔ nǐ ndínǐ ma mara tí àhù fùrábvù†. Ndirò ndi abhi ǒ mǎtí, ma mòzè nzá nyúbho kàsùdu. Obhó tí, ma mí nzǐ fùkù ongyéngá-atdyú òho, pbétù ma mí atdyúya òho ní nyí nyú. Inzǐ ní nzónzo-kàsù ndi, 'ùlì dhu ì nódhì ale nɔɔɔ tí. Pbétù, inzo nódhì ale ní ndi arí dhu ùlì fíyó inzo nɔɔɔ tí. ¹⁵ Imá na ní ndi, inè ma mí'ì mubho ma mí'ì nà kóró dhu fùkù, madù pbàkà ípirǒnga nyú nádzi okúku dò rò. Ní dhu apé ì'ì ma mózè nyí wò dhu bhéyi dhu tí, ní fùkù àzè àkǎnà tí ndùngù ùngu tí tìdu-òná rò?

¹⁶ Ma mǐrè dhu, à'u nyí rǎmbènà dhu à'u, ìmbǎ ma rí'ì ànò tí dükú. Pbétù, ngǔkpà ale rǐ dhu ìrè ma rǎrǐ indrú ùtrǎ arí ale, nírò ma ròtsì wà nyí pbàkà mǎgèzi nǐ. ¹⁷ Ní, ma mákɔ tí àkǒ fùkù dhu tìtò dǒ yà fùrábvù ma múvǐ ale nzínzì ǒ atdí ale-otù ǒ? ¹⁸ Ma mǐtdè Tìtò ìtdè tí, movì ròwù fùrábvù atdíkpá ngǎtsì àlě t'ádòná mǎnà. Ní, ndi Tìtò ákɔ tí ndi fùkù dhu tìtò dǒ? Nírò, mǎ'ì atdíkpá àbadhi mǎnà, mǎ mí'ì tí obhó atdí ìrèta nà tí mǎ mónzìna dhu ǒ? Ndirò mǎ múngu tí obhó atdí owu kèlě?

¹⁹ Ròpè ndi angýíta tí, nyí nyarí inga ìrè mǎ rarí mǔgye mǎ-tírò dǒká onzìkù. Ní kà rǐ'ì mbǎ ndi dhu bhéyi. Kǎgàwà-ònzǐ nga ní ndi mǎ móte Krístò-nyutsinǎ rò nǐ. Ǫdhídù, yà atdí dǒ ma mózè nyí rò, mǎ mí kóró kǒkò dhu ùnɔ ndínǐ nyí nɔsì tí a'uta ǒ. ²⁰ Obhó tí, ma mí ɔdòna ònzì dhu ní, fùrábvù ma mǎrà àhù rò, ma mí nzǐ nyòtù àdhàdhì yà ma nyú ma mòzènà nyí'ì

† 12:14 12.14 Pɔlò bhà wemberè tó abhi Kòritò tó kigò ò nǐ'ì Kànísà òpè kǎrà nǐ abhi (Kas 18). Ǫyɔ rí kǐsě abhi nǐ'ì ndi Kànísà ǒ bhà àndà kǎrà nǐ abhi.

òná ́fò ǒ dhu, ndirò nyǎ nyí nzǎ motù àdhàdhì yà nyǎ nyú nyǎ nyòzèna mìí òná ́fò ǒ dhu. Ma mí ɔ̀dòna ònzi dhu ní, ma mí nyòtù ìnzǎ nyǎ nyárí nyǎri nzínzikú ǒ ró, adha ònzi nyǎ nyárí nzínzikú ǒ ró, nàwí nà nyǎ nyáróko nzínzikú ǒ ró, anya ònzi nyǎ nyárí nzínzikú ǒ ró, ìndrũ-ngbò ̀nɔ nyǎ nyárí ró, tètò ̀nɔ nyǎ nyárí d̀kú ró, nyǎdzǎ nyǎ nyárí nyǎ-tírò ró, ndirò akye nyǎ nyárí dhu ònzi ró dhu. ²¹ Obhó tí, ma mí ɔ̀dòna ònzi wò ndi ngàtsi pbàkà abhi ǒ dhu ní, pbàkà Kàgàwà rǎ nyèdu àbhũ rìwè ɔ̀nzikú dhu. Ndi dhu r̀d̀d̀ mabhũ mɔ̀dzì yà òko òko nzérenga ònzi ì arí yà angyi ì ɔ̀nzínà dhu bhèyi ró nzínzikú ǒ ábhǒ ale-okú d̀ r̀. † ale ní k̀k̀ ìnzà àpè '̀gèrè '̀bhà m̀nyònè mà, k̀ró ng̀kpà nzére dhu-tidò màna ale.

13

P̀lò rǎ Kòritò ǒ pbàkrístò ònzi r̀ndà nyuyatsi nga ìtírò dhu

(2Kò 10.1-11; 12.19-21)

¹ Yàrí ní ìbhũ rí pbàkà abhi ìsè f̀r̀bvè abhi yà*. ìlǎ Andítá rǎ dhu òvɔ̀ ndàti: «ìngbàtí ìli ndi ɔ̀tè mà náká óyǒ ale, ndirò ngàtsi nǎ ìbhũ ale mà r̀í f̀ndá ngàm̀bì tí†.» ² Yà ɔ̀vɔ̀ pbàkà abhi nísè bv̀k̀ abhi ǒ, ma m̀v̀d̀ dhu k̀k̀ angyinà r̀ò nzérenga ǹnzì ale tò k̀ró ng̀kpà ale màna. Ní k̀m̀bì yà ìtse ma mìí r̀k̀ r̀ò òná k̀s̀m̀ ǒ, ma mì dhu òvɔ̀ tdítđ f̀k̀ mati: f̀r̀bvè ma m̀rà àhũ tdítđ r̀ò, ma r̀r̀ nǎ atdí ale mà ǹbha ì nzérenga ǹnzì ale nzínzi ǒ ìnzǎ k̀td̀ anya d̀nà. ³ Ma mì dhu

* ^{13:1} 13.1 Ándà 2Kò 12.14 ̀ò ka k̀ndí dhu. † ^{13:1} 13.1 P̀lò òzè ndòv̀d̀ dhu, ìndrũ-ànyǎ ̀td̀ ndi ndí r̀ò, ndi r̀r̀d̀ k̀td̀ àdhàdhì ìlǎ Andítá ǹnò dhu-bvũ r̀ (T̀r 19.15).

ònzì ndì dhu bhëyi, nyí nyòzè nyùni dhu obhóná nyú Krístò ràròtε nyudutsinǎ rò dhu-okú dò rò. Nzínziku ò ndì ndí kasu ònzì otùdu ò rò, ka ní'ina nzí ivíví ale, pbétù kà rí pbìndà ádrùngbǎnga tó obi ìtε nzínziku ò. ⁴ Obhó tí, Krístò ka kutó mùsàlabhà dǒ rò, kǐ'ì ale-ngbò tó ivívínga nà. Pbétù kòmbí kà rí'ì ípìrǒnga nà Kàgàwà bhà ádrùngbǎnga tó obi nǐ. Mǎ nàndà dhu nǐ, mǎ múngbò wà mǎ kà mànà. Ní, atdídhénà rò, mǎ mí'ì ivívínga nà átò, pbétù mǎ mí'íya ípìrǒnga nà kà mànà Kàgàwà bhà ádrùngbǎnga tó obi nǐ. Ndìrò ndì obi nǐ ní ndì, mǎ mí kasu ònzì fǔrábvù.

⁵ Nyàndà pé nyukutsì nga nyí-tírò, ndíní nyí nyuni tí iwà nyí nyá'ù Yèsù dhu. Nyùdhe pé nyí nyí-tírò. Nyí nyuni tí obhó dhu Yèsù Krístò ràrǐ'ì inè nyukutsì, ìnzí dhu í'ina gukye nyukutsì nga nyí nyàndà rò, nyí nyòtù nyí ìmbǎ nyí nyí'ì a'uta ò dhu tí rò! ⁶ Pbétù, ma mà'ù dhu nyí ràrǐ dhu ùnǔnǐ, mǎ'í na, mǎ ràrǐ'ì inè obhóná nyú a'uta ò. ⁷ Mǎ mí mǐtsò Kàgàwà rǒ, ndíní nyí nabhù tí ìnzí nyǒnzì ìngbàtí ìli ndì nzérε dhu mà akekpa màtí. Mǎ mí nzí mǐtsò ndì dhu bhëyi, mǎ mòzè mǐtε dhu, mǎ rónzì uvitatáε tó fàkà kasu mbëyi nyú nzínziku ò dhu-okú dò rò. Pbétù, mǎ mòzè dhu ní nyǒnzì ídzi dhu, ìmbǎ dhu rǐ ndàlǎ ìndrù tò ìnzá mǎ rónzì ndì kasu mbëyi dhu màtí. ⁸ Obhó tí, mǎ mí nzí àdù obhó dhu nà rǐ ndùgye ìngbàtí ìli ndì dhu mà rónzì. Mǎ màdù ònzìnà dhu ní obhó dhu kélé. ⁹ Mǎ mí'ì dhèdhε nà ivívínga nà mǎ mí'ì nyàdù ì'ì obi nà Kàgàwà bhà otu ò rò. Ní, mǎ mí mǐtsò Kàgàwà rǒ, ndíní nyí nabhù tí nyí'ì àkǎkǎ atdídǒ ale tí nyíkpona ò. ¹⁰ Ndì dhu-okú dò rò ní ndì, ma màndí yàrǐ bhàruwà fùkù àdì ma màdì itε rórò, ndíní bvùkù ma mǎrà àhu rò, ìnzí ma mórú tí òrù tí dùkù. Obhó tí, Ádrùngbǎε Kàgàwà íbhò wà dùkù ma mórù nǐ dhu tó ádrùngbǎnga

tó ɔbi idù. Ndi ádrùngbǎnga kíbhò nzá tsěku ma motdí tí nǐ, pbétù kíbhò ka ndínǐ nyǐ nidì tí Kàgàwà bhà otu ǒ.

Paulò rǐ Kòritò ǒ pbàkrístò nóvi dhu

¹¹ Kà rǐku dóná rò nǐ, àbanǐnzó, nyòko dhèdhe ǒ. Nyǐ nyàkǎ nyǒnzì ɔbi nyǐ ǐ àkǎkǎ atdíđǒ ale tí Kàgàwà-nyǐkpó ǒ. Nyòwu afíkù àbhù rǒ ròtsì ɔbi nzínzìkù ǒ nyǎdù ǐ ǐ atdí ǐrèta nà. Nyǐ nyàkǎ nyǒkò màrùngà ǒ. Ndi dhu bhěyi ní ndi Kàgàwà, yà ìndrǔ nózè, ndírò màrùngà ǒ arí ìndrǔ àbhǔ ròkò ale, rǎdù ǐ ǐ atdíkpá nyǐ mànà.

¹² Òvi nyòvi nyǐ nzínzìkù ǒ pbàkrístò bhěyi. Kàgàwà bhà ale kóró nóvi nyǐ.

¹³ Ádrùngbǎle Yěsù Krístò bhà ídzìnga mà, Kàgàwà bhà àzè mà, àlé nún gbò ǐlǐlǎ-Alafí mànà nǎkǎ ǐ ǐ nyǐ mànà kóró.

Ungbòta-ጋwá Tá Bhǔkù

Ndrǔna: Ungbòta-ጋwá Tá Bhǔkù New Testament

copyright © 2015 Wycliffe Bible Translators, Inc.

Language: Ndrǔna (Ngiti)

Contributor: Wycliffe Bible Translators, Inc.

All rights reserved.

2020-11-19

PDF generated using Haiola and XeLaTeX on 30 Dec 2021 from source files dated 30 Nov 2021

abb6c630-aaf1-5647-8172-605215e8fe12